

**Nuikamunitos Akaijar**  
Los Angeles, California, U.S.A.  
59-0419A

1 Etuluroto awok akwes apak edit kanu ailip. Papakosi loisiana loka Akuj, erai cut keda arerengusio nuija kasioadolokin Ijo, Edeke kosi ka Eketajaran.

Aipup ekosio lo loejok, Eipone Loipolor Ijo, , einakini isio ailel naepol ajenun ebe Irai Ijo Loepol.

Ido kilipi isio apolusikon kitodiar mama ijai isio kotoma aitetus, kajotet kana, kwape kinerar. Ido adoiki owaika, irwan nasodit kotoma okaru luipu, aitam abongor toma aijar natubor, ido elipi eong ebe ijaikini Ijo eong agogong kede nuepuda eong, Ejakait, ajaun toma osawa lo. Koraunos bon aibucanaretaka kere kotoma aijar amoru nadokunet neja luce, naeyangauni kesi dieKon. Kocamak ngun, Ejakait. Koanyutu ikadiakanarak ikukut kotoma asinge naka apak, ido kingarenikinai kesi mamaKon. Iboro lu ilipi isio Kokiror loka Ejakait Yesu. Amen.

Kiboikinos.

2 [Kotema Onac Glover, "Ipedori jo ailip kanu itambalan kalu eroko ijo egeuna?"] Abuni eong aiyalamikin. ["Ejaas *ngun* kede *kanu* ailipakin.] Mam ace, ipa, eyalama. Kwape etunganan kalo loelaunit, Onac Glover, loda ajenu eong adaun ikaru luipu, abu kajaunos kede arereng na ajaut kede nges apak edit atibong natubor. Abu kolimok eong ebe abu nges koper adaun apak nadit, iyengi. Ido kwana, kotoma okaru akaisakanykarei-kalukany luka amojongu, ejai kwana nges abongun toma aijanakin naka Ejakait. Mam eong apupi atutubet naka etegane loabu eong apupi eroko eong apupuna ngun. Aomit eong ebe apasit eong, konye mam eong eyuunit ebe epasit eong. Abu nges kibwaik neajai eong itabalan ice, koipone loka abakaasan, kace da, nuerupakitai toma, ido kodautete ainap.

3 Kwana, idio kayesi kere yen epupi koradio, arai ne, yenipuda ediope kotoma oitaabalan kalu, ido ipedori ijo... Eyekalu lo Angelus emeet aijukanar kes, isawan kere. Ipedori ti ijo aiwadikaikin Eyekalu lo Angelus ido ilipete kesi kanu angun, naarai etogogongi nekus ebe erai Nuiwadikaitai. Erai asumunet naka Edeke.

Ido arai ti erai ebe ikoto ijo eong ailipakin idiopet kanukon, kanukinyo, abuni eong eyalamikin aswam ngun. Ipedori ijo ti aiwadikaikin eong kotoma asakudu naka posita 3-2-5, 325, Jeffersonville, igatulatai J-e-f-f-e-r-s-o-n-v-i, l irwanarei, e. Jeffersonville, Indiana. Arai mam ijo ipedori aoomoom nuka asaduku naka posita, iwadikaik bon "Jeffersonville." Erai eibuga loedit, etiai loka itunga nepetai ilukumin akaisauni kalukany. Nginitunganan kere ejeni eong kangina. Kwangin ibuni aiyalamikin ailipakin eitaabala ido aijukakin ijo.

4 Ido, kwana, idumu isio aitelekaaret naepol kotoma aswam nu, naarai... ibuni ijo ajaut kede ibaluwa yenididi kede ngin, ebe ilipete itunga anatar akwap kere kangin tupuruc isawan Iuni, kede isawan ikany-kapecaisawan ikany-kaongan. Ido ipedori ijo ainomar, airimun kau naka akwap, anibo esawa loka akuar loenyounatar kesi aitolot ailip na. Kanukangun arai itomoneta luka ilukumin, ka irwan ilukumin, ejaasi ijukanarete alipasia mama ejai Edeke kotoma osawa kangopekangol kanuka aijanakin kana, ariebo kon, mam Edeke epedori aibelokin ngin awai. Ido konyet kwana oni, kwape alimuna eong, mam oni ijaatar adionapeta, mam oni ikoto karaida idio kapu. Irai oni bon...Arai ipedori isio aingarakin ijo, ngun nges ijaar isio ne. Kasodete oni...

Ejai icetunganan ayangaun aibunget ace naka itabalan.

5 Kwana, arai mam ijo ijaatar ka etaabala lo ti ikoto ijo aijukar, ee, kanen do iwadik ijo aiwadik, ediopone kere. Arai mam ijo ikoto nges kopekwana, kidar nges kotoma Oitabo loka Aswamisio, toma Obaibuli, esula lo 19. Ido ebuni kaput naka aribon yenididi yenakwangan yenijukakinio ijo, kede da nu tupitero eipone lo limoret adiakanaretakon ber. Ido (eyalama) eipone lo limoret adiakanaretakon. Mam itami adumun idiobore kane ejai Edeke arai mam ber ijo itetenarit akiro kede edeke. Kiany? Ido kane do icorakitai ijo kotoma kanu anyaraun ikonidunyeta toma, kede ecokon kon. Arai ijaatar ijo idiobore yenejai toma otaukon asurukinit idiotunganan, kolot kitetena ngun ber, kosodi abongun. Ido kanen do kilip, kojaunos kede airiamun nakailip kokalekon, kosodi akodakin eitaabala lo toma anapito kon nakotoma, kosodi aiyuun Edeke.

Ido kotoma osawan ngupengun iuni, kangin paaran, ejaunos itunga anatar akwap kere ilipete, erikot airimun akwap.

6 Ido kwana erai nakon, cut atitai, ijuk aijukun. Ido, kwana, mam isio ibuni aicebokit aiwadikaikin ijo ainapeta nu ijaar isio. Ikoto isio ijo aigang ainapeta konye imameotor ice bore kanukon aigang. Kiany? Ijo mam erai ajenun aibosit kon, erai bon kanu aiyengun kede aijanakin naka Ejakait, naitamit aitolot

kwana etuluroto awok akwes. Ido arai ijai jo ipupokinit oredio, iperik ekon eitaabala nen, bon idokok ijo elopet akon akan tomake kwape kilipia oni.

7 Ejakait loka Asianut, iyangauni isio neijai Jo iboro lu didik acepak ice kakesi esubito bala acepak

ipulanin ludidik kanu idwe, Arai ice isaatin luotoma ludidik, arai acepak epeya loka asokisin ludidik luidwe, arai icebore, eitaabala, loeyangario neeja luadekak ka luetipipiluna. Ejakait, erai cut kwape ebalar AkirotoKon ebe eswamata isio nu. Naarai isiomi oni, kotoma Oitabo loka Aswamisio ebe aponi oyangarai kotoma akuan na ebulesitiKon, Paulo, itaabalan ka aprons, naarai eyunitos ebe ejai EmoyoKon toma otunganan. Ido konyoununete imoyon luarokok kotunga, ka aitipipileta ka adekasinei anyounete kaneja kesi, naarai apotu kesi kiyuutu. Ido Kwana imisiik isio, Ejakait, ebe mam isio irai Lokalaunan Paul, konye ijeni isio ebe iringa Jo irai Yesu. Ido ilipi isio ebe ibuni Jo acamun aiyuun naka itunga kalu.

8 Ido elimunitere irwana atipet ebe ne abu Isirael otamia arimar Edeke, apotu ikamunos kotoma atacit, angolol ngaren kec, imoru osiepon kede ajore aparao edudungit. kosodi ediopet alimun ebe "abu Edeke koany kotoma opir loka akim, kede akonyen nuenyunyuras kosodi angolol akurianar kosodi aidolar alopet, kosodi acilakin isreal erot atuboror akwap naka aismunet

wu okwe Ejakait kongolia bobo kwap, ne idokonokinere itaabalan lu mama ejaasi awaate nu edekasi kotama aiyitun naka AkirotoKon nakajaran. Okwe okuriakaros bobo adekasinei, kongolia kotoma Aokot nuka OkokuKon, Yesu, loda abu kotwana kanu araun ailucet, ido koyong loka asurup kosodi anyoun awai, tetere itunga lu edolokinete toma aismunet, tetere "kuju naka iboro kere" ebe erai eipud kon "ebe akerianaros oni kotoma angaleu." Kocam ngun, Papa, naarai ijukuni kede alosikinet ngin kotaouon kos.i ido ngin ngesi apeleikinet kosi. Ijukuni ngin Kokiror loka Yesu Kristo. Amen.

Eyalama Onac Glover, Eyalama, ipa.

9 Kwana kwape eraar atutubet nagolokinet aisikwarunio mam eong ajeni arai ebunio awear arai bo mam, konye epuda eong alimun (Arai mam) mama ejaasi ngun luepupokinitos oredio, ebe erai na adiopet kotoma airiamuneta naejok na ajaunar eong kotoma okar luipu. Erai naegogong, naepupo, epol amina, airiamuneta nuacamanara nuajaikin eong toma adaun apak na ewoj

10 [Kotemari Onac ebe, "ijai toma okwam aitodol isawan itomon kede adakikan atomon akany, onac. ido ejaasi epupokinito ijo, airiamun angalakimak nako California, kitoni okidoi, ido kitoni amerin. kidumununei akiro kamakec. Ido kanukangun ijaatar jo kede apupok nuipu, ilukumin kede itomoneta luka ilukumin."] Eyalama, ipa. Erai ngin naejok noi. Eyalama eong apupun ngun. Isirereng Edeke yes kere.

Ido nabeit ajaenena duc eong kede amuno toma otauka kanu Eyekalu lo Angelus, naarai ebwoi kede Eijiri loileleba loka Yesu Kristo. Ido, kwana, esubito bala eraasi nuka elopet noi kwana. Esubit bala, akaul nairiamun kede nginitunganan kaite ekecemoyo loejok, asubit eong bala arai eong ediopet kayesi adepap eipone loajaar eong sek. Isirereng Edeke yes, ngesi ailipaka [ Kobongok atukot keporoto loepol.] Eyalama noi, Kasianut.

11 Kwana, einakinitai ebe lolo abeit eong ti einer mamakus apak naedit kotoma: *Nuikamunitos Aijaraka*. Erai ngin ibore yen egogong kamaka. Erai na apak nasodit eong aitam aitetem akaulo na ikar luipu. Ido mam eong apedori adumun apak nalomar toma aidules, konye bon atutubet naka ngun. Ido, kotoma kane, eswama eong aibucanareta nuipu, eswamat ibore luipu lumam edolito. Ido abuni eong aipudakin, ebe yesi luipupete koredio ka yes luyaasi ne, ebe mam yes iyangarete aibucaretaka araun amoru-nuaguikin, konye amoru-nudokaret kanu aismunet yesi die kede Ejakait Yesu.

12 Kanen do, lolo, ebunio akorar akadin nuailip kanu aitolot aijanakin naka ailipanakin luadekak lolo. Kwana, nainerar oni nuka *aijanakin naka aitangale*, mam erai akepolou ebe ilosi isio aitangaleun idiotunganan, ilosi isio "ailip kanu icetunganan." Edeke iswamai nuka aitangale. Erai Ngesi loesian noi mamaka, kanu abonganokin ailip. Ido enerasi eong kede emaneja loka ekalimonokinan loejenara kane apak ace kokau ido aponi kingitai ebe kanukinyo mam ekalimonokinan lo ilipanakina lukadekak.

Kosodi ekalimonokinan abongokin emaneja loka airiamunetaka, atemar, "Arai..." Ekalimonokinan lo iyuunit aitangale naka Edeke. Konye karai egeu ngesi ailipanakin lukadekak, ebuni aitolitoli aijanakin ke naarai erai ngesi iganitos ikanisan. Ikanisan luipu, ido luipu kakesi, mam iyunitos nuka aitangale naka Edeke.

Kanukangun ajaasi eong angosibib ka ayongit kanu ekalimonokinan naarai idarit ngesi aboisit ke, aboisit ke naka aswam. Epedori ti ngesi...mam eong apedori ayangaar aboisit ke, ido abuonokin eong arai epedori ngesi ayangaar aboisit ka. Ijaasi oni kere kede aboisit kotoma Akabakanut naka Edeke. Isimorikitai oni nepepe. Ainakineta nuegelegela, konye Emoyo ngopengon. Aitodianareta nuegelegela, akoto eong alimun, konye Emoyo ngopengon.

13 Ido, Kwana, atibong na egeunos aijanakineta...Aomit eong ebals kesi ebe egeun awoere osawan itomonaarei kede atutubet. Ido, kwana, arai ijaijo kinga aipup eredio, kolomutu toma kanu apupun nu. Eraun ibore yenibus, erai duc.

Ido kanen do epuda eong alimun ebe akadin nuka ailip ekoraro katipet akaulo naka aijanakin kana. Nape etwario aijanakin na, arai ijai ijo ne ido ipuda akadi naka ailip. Aponi kecorakin eong kangina nepetai apak na edit okau, okooka arai bo Ejakait Mercier arai Ejakait Goad, epote kesi ajaut ekorete akadin nu

ka ailip, osalak ocolong kon. Akaulo nape etwarere aijanakin, osalak aiboisit kon elo sete isap toma okokoro kosodete akorar akaadin ka tippet kwape ededoratar. Ejaun ngin toma obalasan arai ne iboyotor itunga, nenidio, agoolaik nakokwap, arai nendio nejai ijo, Kosalak aboisit kon ido ejenunete isap ebe ijai ijo ne kanuka akadi naka ailip. Ido lolo kotoma akware na, ido konyet akuar na ibuni ailipanakin luka adekak. Ido arai mam Ejakait ijulakini akawomisio, akoto eong alimonokin akou na akirot akuar na, *Arai Kitodik Ijo Isio Papa, Isimonikinete Ngun Isio*.

14 Kwana akoto eong asiomun kanu anumoran ajotet na, kanu aitegear *Nuikamunitos Ajaraka*, idumuni kotoma Oitabo loka Iburanian esula lo 13, ido ageutu aisiom nepetai...Ti eong alim nepetai okokoro lo 12.

*Kanu kangun yesu da abu korieba kokina kerute tetere italauni itunga kaokot ke elopet*

*Aso kalomasi oni da tomake kinga kidukurun, kebwokitos amorosit ke.*

*Naarai emamei oni ere lo eperonori kane konye kimoot je lo ekot ajaun.*

Kwana eraas ngun nu moran. Naarai, itei ijo, arai eraas nuikamunitos aijar, arai idiobore yen ikamunit etunganan, mam isio itubusiari ngun, kacut noinoi nu atuboros nuka etunganan, arai eraasi nuemutoko kwanat kanuka. konye awomit arai kisiom oni Ikokoron, isirerengi Edeke Ikokoron. Ido awomisiotika erai:

*Kane imamei kede ere lo eperonori konye amoata je lo eperonori*

15 Kwana, ajeni eong cut ebe iminasi yes Los Angeles. Ijasu yes keda apedor na araut. Ido erai eibuga loibus loepol. Kede akeapuru kede ace kere, konye korai eibuga loibus, kede ekuse lo ikwamin lo ejok. Konye eibuga lo mam erai lo eperonori, ekotokin kojaas kede angetakinet.

Abwoitor eong koRoma, (neajaasi ikepugak luapolok) kede ibugai lu awomitos kesi ebe edukete kesi lueperonorete, kosodete kesi aibok iputin akaisaarei kanu adumun araida abilibiletake.

Abwoitor eong kane ajaatar luka Parao kede akabakanuto kec nuapolok, ido ipedori ijo aibok kwap toma akwap kanu adumun ne apotu luka Parao lukapolok ipugatos.

ooni kere imina aomom nuka ibugai wok kede awok aboisio konye kiitu, mam ededorai aibwo. Nearaar eong itelepat yenididi, amina eong alosenen okitoi loawojan loti.

16 Kotoma akwap ka ija kede ikito luegogong luipu. Ido kanen kija oni kede ikito luka maple, emapleloka esukali, ka loinyarit oni "emaple loegogong" ka "emaple loenonok." Ekitoi loepol loikesesee, erai ekitoi loalai kakere. Ido duc neabunio eong toma kotoma amisirin, kanu aswam anya ka aisak, amina eong alosenen okito lo loti ido aiboikin kwap kokwap ke kasodi asesen kuju. Ido apedori eong asesen atenieke nuapolok, nutiek ijangi ekwam, atorom naepol nati. Kasodi eong atemar, "Ijeni jo, eyuunit eong ebe ekitoi lo ebuni ajaun ne adaun akwata ka akwata nuka ikar." Mam elwana noi kokau abu eong asesen ekitoi lomojong, erai bon ationis.

"Naarai kane emamei oni ere loe peronori." Mam, emamei ibore kane kotoma akwap na yenipedori ijo asesen yeneperonori. Ekot ojai ka angetakinet. Idiobore kere yenewani ejai ajalakin erot kanu ayenimam etwani. Kanukangun mam ace eipone loidukia oni irotin wok ejokuka, eipone loiswama oni aduketawok ejokuka, eraasi kere nuebeit adaun, naarai ne, emamei ibore yeneperonori. Ngun bon numam etakanete kesi eperonorete.

17 Eitunit eong etogo loiboiei isio kotoma, arai etogo lomojong lo eswamautai keda apungurei irwasitete kede elupe koja apedono kanu aica. Aticepak luipu kane mam ewanyunitotor etogo loirwasitai kede alupot. Konye erwasitai kere kede elupe, ka apungurei nuapolok nutiek nuajaasi toma togo lomojong, aomit eong ebe abuni etogo ngon aibwo adaun akwata nuikar. Konye, ijeni jo, lolo nebwoia etogo ngon erai epurojekt loitogoi. Erai kwana naitegelikina noi. Nginibore kere ejai aijulakin. Konye...

18 Ido amina eong asesen papaka, arai ngesi loawuriana, etunganan loadukuk, kogogong noi, ido arai ngesi etunganan ediopet yenididi yenagogong yenajeni eong. Eriamuna eong kede Ejakait Coots, ekesa loamina aswam ka nges kotoma apungurei, arai ngesi atubutubon ikito, ido nepetai ekaru kokau, ido erai Ejakait Coots ekapapero loajokan, ido korai edikonit kotoma okanisa Losodit loka Baptist, kosodi ngesi atemar atiar, "Billy, iburai ijo korai etunganan loigogong noi."

Kasodi eong atemar, "Mam, mam eong arai, Ejakait Coots."

Kobala ngesi ebe, "Karai iputoorit ijo papakon, ti ijo kirai." Kotema, "Aanyutor eong etunganan ngon, ajaas ka alangiru na ilatiirin akwata kede akaisangon, edakakin apungure aboogi nges bon, nada arai ake langiru ilatiirin akwatakanyangon." Ajeni nges bon eipone loiswamaet ngun. Arai ngesi loagogong. Aanyuni eong nges ebuni aiboisit aillotanar ido akapakin kanu inyamat luka atibong, neiwororo Toto ngesi.

19 Ido kijaatar isio kede ekitoi loka apple loamojongit kingaren naka alaro, kojaas bobo iuni arai iwongan ludidik bala ilosi agule. Ido okitoi lokiding kojai agilaasi na amojongit, abwangitai, alibira, nala. Ido

inomakitete osiep loka ekitoi kisumalin ice okudokina toma. nati edeporet ekeoko luipupete ti anyara aikajeta ikootin." akodokinitai kes toma kanu adakit agilaasi toma aboisitike. Ido kojai alaket namojong nasuat. Idi bo kayesi eanyunitotor asuat namojong...alaket nasuat nakolosek? Apedorri eong bon aanyun ngin.

Ido kojai nen ibao yenididi yenelosere, abaot kede abwoetait nariit kokwap ke, inomakitai okitoi. Yenididi, yenimojong, atutubet napoopi ngina naitosomai isio aijangia akipi, ido kilosenenei isio kokitoi lomojong lo. komina Toto alemunun ipukoi luinyamat aiswama itauloi. Ejai kerekayesi yen itosomaitor ataulo naepone kangon? Ee, ajeni eong cut ebe apupi kwana eong bala ajai ore. Ido ngun nuapolok, ataulo numojong nuengenge! Do duc ne elongara ngesi isio idwe lu didik, arai aipup bala auta abocor isio emukule kangin sawa neipusia ngesi isio. Eitunit eong epuko ngon lokolosek. Ido eriuni ngesi ice kousiok kinga, aruci ngesi iusiok idis, kanu aitubusiar ngun.

20 Ido kayesi ejotototor ojamu loanya? Ee, akoto eong atemar! Ido ejenunitotor amutete naesikakitai ajul? Ee, Onac Glover, ajai kwana eong ore, abeit cut! Anya, ee, mam elwana apak najalakina eong ediopet, ido arai...Oo, erai ajo nuejokuka, ellillim. Kosodi aparasia nuka aiporo elemunete ejamu ngon lomojong loajul ido ajoto, ijeni ijo, ido konyet aimukokin isio kede atutubet naka ewema naarai akusi akako kotoma acicleta nuka etogo, ijeni ijo, kajai anapanakin isio igoen lu alangir narai kejai akako, ijeni jo, nekuditor abaoi numojong kuju, ijeni jo, kosodi apedorri akako alomar tomake. Ido, oo, apedorri eong aitun ngun ejok noi.

21 Ido kanen kejatar Papa aburaasi nangeris. Eong...Kwana eloete nu adumun ijo. Eswamaunitai kede aboolei, aburaasi nangeris keda aboolei. Alemuni ngesi asabunyu nakipi namojong naeswamat toto, abukun kosodi aisutakin oreeteke kede aburaasi nabooolei, ido ainger ngin kede ebarenit loti, ebarenit lomojong loarioro. Kosodi kanasabiti, alemuni ngesi apapulai kosodi aibwaikin akola kwanata kanu aidaria elos mamadolokin akola naka esaatike. Ijo Kianyunitor ngun iswamas? Kanukinyo, ikatunga, ikatunga!

22 Eitunit eong adooro namojong naijesar ijo kwap neilosenei isio aimat akipi, ido awokun akosi kipi kede aidoo naetuwo lomojong. Ido kayesi eanyunitotor aidoo natuwo? Ee, ido kayesi eraasi luoKentucky, kediopone? Eebo, ee, koanyutu ber yesi ne luoKentucky. Ee, ikatunga, ajai eong cut toma... aomit eong bala ajokuka akiro kokinga kane, konye esubit bala ejai Kentucky aikunyun toma. Ee, eyapiepi apak na adumunere akinyet ko Kentucky ilapio idis kokau, ijeni ijo, kanukangun acepak erai ngun ice kakesi epote lailo.

23 Ido eitunit eong neabunena papa toma ido ailotanar kanu adumun lu abong, edolari ngesi ake kanin nuka esati, ido kes ikanin nudidik nuewuriaka kotumito. ido naerori ngesi akekanin kanu ailot, ewokuni akipi abukokin oret ke, idererete amoori kotoma akanin ke nudidik. Kasodi eong atemar, "Ijeni jo, papaka ebuni aijar araun ikaru akwatat akaisakany luamojong." Arai ngesi loagogong noi! Konye abu kotwana korai akaisakany kaluarei. itei jo? "Ne kimameotor oni kede ere looperonori." Erai ngin abeit. Mam oni ipedori aperonor.

24 Kwana ayangaasi ber esapali loedit, oni kere. Nginidiopet kayesi yenejai ne, ejaatar kede nuikamunitos akeijar, kwape ajaatar eong da, Ido ejok ailatoor kwap kokoro loka aitun acepaarasia. Mam kerekayesi ijomit kwangin? Obongo ber ijo kau, ido oni kere abongor kau apak edit. Abongor toma apiiranut naeput kwape idwe ludidik.

Ido kwana atutubet nasodit naka nuikamunitos akaijar. Alosi eong atiror mot, naraai ejaasi ngun toma oitabo ido luipu kayesi ijaatar kaetabo.

25 Aurikitai eong toma togo yenididi yenabawoi yenajai kuju orongan, luko Kentucky. Ija kede agola adiopet naiboie isio kotoma, amamei ekapet kosimit, araida abawoi kotoma osimit, arai cut kwap esimit bon. Kojai ekomio loajaasi kede akeje auni, ngon ngesi arai ekosi emesa. Ido luaBranham ludidik ngun kere apedorete eidok alukunit nen, ido kinga ngaren naka itogo yenabawoi yenididi, nes ibelebelor kosubite bala nebelebelor aibunget naka itiang luka ais kotoma apuwa, ijeni ijo, inacan kere ludidik. Kirai isio ikanyangon, ka ipese idiope yenididi, ido ajaatar ngin apak naetiono noi akidingot naka aibunget naisap. Kiinakinit isio ibore ngin ayongit ngesi kitoni lolo kanu iboro luiswamai isio apakio kangun. Mam ngin apedorri alosit kasio nenidio kere, arai isio arukoro ngesi abongor, naarai kerai ngesi apese. Kanukangun mam ngesi apedorri acamun ngun, ijeni ijo. Kanukangun apotu ajaunos...ka kere...

26 Kiitu ebe kau naka emesa ijaatar isio bon icolongo iarei, ido eswamatai kes kede amunyo naka ekitoi. Bon atenuik nuedisiak nuka ekitoi lomojong loka hickory inapitai nepepe, ido kwap kec kowenitete kede akapit naka amunyo naka ekitoi loka hickory. Ejai kerekayesi yen eanyunitotor eicolong loiswamatai kede amunyo naka ekitoi loka hickory? Eebo. Ido apedorit eong apupun toto ber. Oo, apak ace koingaren naidolokina isio adoketait napedoria toto ajaun kede abawoi kwap naetogo, kede idwe ngun kere ejaasi amurosike koipone *kalo*, kijekonoros koicolong ngon lomojong bangity, bangity koipone kalo apedorria idiotunganan aanyun kokwap nebwaikinitai abawoi. Ido keitunite eong aidar idwe ludidik komam elomarete kinga naka ekek, neajar ngesi ailot arai iswamai icebore, Apedorri ngesi aiperikin eicolong kwap agolokina ekek tetere mam idwe elomarete kinga nedolio ngesi alosit adooro aomere akipi, kace da.

Ido kerai Toto naikaru itomonakany luapolou neaurunere eong, korai Papa loikaru itomonakanyauni. Ido arai eong ekiai kotoma odwe ikanyangon. Ido apotu kesi kalimokisi eong ebe atupuruc naurunere eong...

27 Kwana, kirai isio luican noi, bon luecanasi adepar kaluecanasi. Ido kimameotor isio karaida edirisa kotogo yenididi yenabawoi. Kejai bala ikek yenididi abaoi yeningaari jo. Abuonokin eong arai ianyunitotor yes eiponeibore kangin. Ikek yenididi yenabawoi yenenganaro aboisit naka edirisa, arai angaarit kosawan luapaaran ido agolokin kuare. Mam isio kipedori aitwasam akim nakepiei araibo nat ainok akinyet naka atabasa kaparasia kangun, Ki ja isio kede yeninyarit ijo "ataala naka agirisi". Kwana, mam eong ajeni arai cut ijenete yesi ibore yenerai ataala nakagirisi. Ee, inyo iswamai ijo...Ido igwelitor cut ijo...inokitor kerekayes icokat yenewiwiot? Naarai kolem bon icokat yenewiwiot kosodi ainokokin ngin ido aibwaikin toma arapetait, ebuni ainok. Ido erai ngin...yenepuriee mot mot, konye amameatar kesi keda aiboisio, kediopone, kanu apurikin. Kanukangun arai bon...itogo yenabawoi kobu opuriki. Amatar ejok kuju naarai ekiara atunyuru kuju kanu nges amatar kinga. Kanukangun ngin...

28 Euritai eong olap lowonganet akanyape, 1909. Naarai, ijeni ijo, einakini do ngin eong araut lo adeparit ikaru akaisarei kanukany mot. Ido kanukangun, atupuruc na aurunere eong, abu toto kotema ebe apotu kesi kongaasi edirisa. Kwana, Imameotor isio kede imurok da, kejai amokoliat. Bon...Ido amokoliat ngin kerai tataka. Ido neaurunere eong ido toma adeloretka nasodit, abu toto okotokin awanyun ike koku. Ido ngesi da alopet kerai ikoku. Ido neangulara kesi idirisa ngin, nape iwalari do akwap, nepetai osawan itomonadiop kojai....doikweny yen abwoi kosiep loka amoni. Kwape kianyunitotor yesi aputoke kotoma oitaboka loka nuikamunitos akaijar. Ikweny yen enyaritai robin iboiei kanen koruo noi kwape apedoria

29 Amina duc eong ikweny luka robin. Kwana, yes isap luipupete koredio, siri kidiata ikwenyika. Itei jo, eraasi...Kes ikwenyika. Biai ipupunitotor kerekayes awaragat naka ikweny luka robin, eipone loadumunia ngesi atorobuke nakarengan? Alosi eong abwoun kane apak edit. Eipone lo adumunia ngesi atorob nakarengan... Kejai Ekabaka loka ikabakan atwanare adiope paaran koMusalaba, ido kojai Ngesi ewanyunit ican komamei yenapedori abunore mamaKe. Komamei da yenapedori aingarakin Nges. Ido kojai ikweny yenididi yenarengan kokoto autor isumalin awai koMusalaba, kobu kinyikok aporonokin toma Omusalaba kotamite ailuk isumalin. Konye adit ngesi noi kanu autun isumalin, ido kodumuni ngesi atorobuke yenididi kere arengeun kede aokot. Ido ageun apak kangin kosalak aketorob ereng. Mam idiete nges, isap. Kojalakisi nges.

Ajai ngesi ebwoi kosiep loedirisa, koruo kwape eruor robin. Kosodi Papa agolokini edirisa. Ido neagolokinata kesi edirisa, Aica ngin naisesenete yesi kotoma aputo abu kobu irimirimi toma odirisa, ebala totoka, Kosodi aikajakin kuju naetaada. Mam tata ajeni nulimuna.

30 Kwana, irai oni...mam irai ekale loidinikit. Itungaka eraas itulikin. Arai eong loka Irish iwaitin kere. Papaka erai loka Irish cut, Branham. Totoka erai naka Harvey; bon, papake ngesi edukokina kede aluga naka agolitomei nako America, kanukangun kobili ngin alibunet naka aokot nuka Irish. Ido Papa kede toto mam alosenenete okanisa, ido edukokina kokinda naka ekanisa ido komameatar edio ediini cut. Ido kau ngina kotoma omoru amamei karaida ekanisa loka Atulik. Kanukangun eponito kesi ngina kwape luetegearete aiboisit ngin. Kopote luanBranhams iyarei, kosodi ageun kanen kotwarun atur kere naka branhams; erai aur naka ekale.

31 Kosodi konyet ya angaar...Neangulara kesi edirisa lo kosodi Aica na asipokin nen, mam kes ajenete nuiwama. Agwelakit papa nges (abala toto) emorimor loitet kanu aswamisiot kana. Abwoi ngesi kotingite enapi loka emorimor lomojong, kwaminatar ikeok ka atubutubok abaoi kaparasia kangun. Ido abu kitukurian kes.

Ee, akaulo na abu eong adolio acepak aparasia atomon luapolou, arai icebore, oyangarete kesi kitoni okanisa yenididi yenika Baptist yenanyaritai "Opossum kingdom," Opossum Kingdom Baptst church. Erai ngon cut ekiror. Kojai ekalimonokinan lomojong lopeduc, abunenenei ekalimonokinan loepone lomojong nen nepetai irwana atipet akaulo na ilapio iyarei.

32 Apedorete itunga ajaun kaijanakin naedit nepepe, kolosete kesi koyoete ikososinei ice, konye atapit kesi alimonokin nepetai kanginiduc kotoma ekalimonokinan loelosi aboisit kitoni aiboisit airimun ikanisan. Ataceneno nges ngonikaru epuko loka esuju ka iboro icie da kwangin, ijeni ijo, ebe atukununete itunga kanu ainakin ngon. Kobuni do ekalimonokinan lomojong, aijaikin ailip kanuka kwape ikoku yen didi. Ngin arai alositika nasodit toma okanisa.

33 Kotoma okaru loka nepetai...icebore adepar mot ikar iyarei luka apolou, kotanuni aitapoet nasodit.

Ee, apotu kesi kinera kotoma omoru kangina ebe obu Aica na kobu toma. Kanukangun apotu kesi kotamata aoomoom nuke. Ice kakesi abalasi ekot ngin korai aica nakolong iloroikina toma alabira kotogo. Konye amamei alabira kotoma kangina. Ido mam akolong alomunit, kanukangun arai tupuruc sek, isawan itomonadiope. Ido kanen, oo, apotu kesi bon ikalamata Ngun. Ido nearaar eong nepetai...aomit ayapikin ikar iuni lukapolou....

34 Kwana, ejai eong araut lomunot. Ejaasi iboro ne numam eong akoto alimun. ido korai apedori eong ailam kes kasodi mam alimun kes. Konye ber, einer abeit, ekot ijo einer abeit arai kotoma kanukon arai kotungakon. Korai lomunot kotoma kangun, ido kanen eraun duc kwape kwangin.

Alwana Papaka noi kotoma araut etunganan loidiinikit. Arai esapat loapolounit komoru loeducokinit amat, isawan kere. Ido abu koloma toma ationis ace kotoma ojie, ido ajaasi itunga iarei arai iuni nepetai atwanare kwape kajitor kesi, aduonor, ka atubutub idiope kayenice ka ikilenga, kotoma opucit ece kokuju naka imor. Ido Papa nges arai engarenon loka ejie kalo, naarai ebe ajai epaperoke loaponi kimusungai, ido abu kinom ecetunganan kede eicolong. Ido ajaatar etunganan ngol kaekileng kokinga ido abeit aitub opaperoke Apapa kokwap kede ekileng kalo toma otuke, kosodi Papa ayangaar atutubeteke. Ido ekot lo korai ejie loarono noi, naarai kes, ameun erot ngon kere kwap kitoni Burkesville, amairon nuipu awai, ijukarete kesi apolokiniton ayuara kuju aibwap Papa, kabasit.

35 Kanukangun ajai etunganan eperi kadoketait naka atwanare. Aticepak ice kotungake epupokitos. Alosi eong anyara ekekiror, Will Yarbrough nges arai ekekiror. Aomit eong ebe ice kakes eraas luko California, kotoma osapake. Konye arai ngesi etisilaran, etunganan lopeti loepol agogong, abu koyar ekesapat kede akitoi naebestai.

Kanukangun arai etunganan loegongong noi ido etunganan loekapilana. Kosodi kanen ojaun ejie loapol loka ekileng kiding nges ka Papa. Ido papaka nepetai aiyar etunganan, kanukangun ajai nges akerit ido anyoun koKentucky kosodi alosit adubor kocilet kitoni Indiana.

36 Ido ajaatar ngesi kede onaceke loeboei kapak kangin, kotoma Louisville, Kentucky, arai atupiton loimanmani acuma naka abawoi ko Kentucky, kotoma Louisville. Ido kanen do abu Papa kobi amoun onaceke loapolon. Papa nges arai lodidi kakere kotoma osap, kotoma odwe itomonakanyarei. Ido kanukangun abu ngesi kobi adumun onaceke loapolon, akaulo nabu nges konyouna bala nepetai ekaru. Mam nges apedori abongun, naarai ajai ekisil emoot nges. Ido naipupuno isio kamake kotoma obalua, loda ewadikatai kotoma okiror ece, konye ebe alimokinit ngesi Toto eipone loti ejaunotor arai kepupu ngesi kaneke.

37 Ido kanen eitunit eong adiope paaran adooro (itogo yenidid yenabawoi) ajai adooro agule naka etogo. Ido kotoma apak ngin aksaul...Ejaasi ikanyangon...ilapio itomonadiope kidding eong ka onaceka loetupit eong, ido aringa ngesi eliai. Ido atingit eong amoru nati kakanika, ido ajai eong atamit aitodikin nges agogong napedoria eong acakar amoru na toma orit lomojong, kwap nealelearitos akip nuka adooro kosodete aisomaun erit kalupok. Kasodi eong apupun ikweny, ido koruo ngin kokuju okitoi. Kasodi eong angoliar kuju okitoi ngon kosodi ikweny aporor awai, ido, neaporora ngin, Kosodi Eporoto ainerakin kaeong.

Kwana, ajeni eong iomit ijo mam ti eong apedo aoomoom ido aitun ngun. Konye Ejakait Edeke loerai Ekatubon, kakwap ka kokuju kakere luejaas, ejeni ebe ajai eong einer abeit.

38 Ikweny ngin, neaporora ngin awai, kobuni Eporoto kaneajai ikweny kotoma okitoi, kwape ekwam loekusi kokutui, kosodi Ngesi atemar, "Ibuni ijo aiboi eiduny ka eibuga loenyaritai, New Albany." Ido eboi eong, ageun apak naarar eong loikaru iuni aitadol lolo, nepetai amairon auni agear ko New Albany, Indiana.

Alomari eong toma kasodi alimokin totoka akiro ngun. Ee, aomit ngesi ebe ajai eong airuja arai icebore.

Akaulo ekunyakinete isio Indiana kosodi Papa alosit aswam aswam etunganan, Ejakait Wathen, etunganan loabarit. Loarai elope Wathen Distilleries. Ido erai ngesi elope inerio luepolok; erai ngesi abaran lopeti loka aritai ka aritai, ka Louisville Colonels, ka baseball, kaice da. Kasodete isio aiboi eidunyi kanen. Ido Papa araut etunganan lokican, konye komam epedori aijar komam emasi, kanukangun kolosi ngesi toma aswam ewisiki kotoma ocuma naipoyere.

Ido abu koraun na ationo kowaika naarai eong etelepat loapolon kore kotoma odwe kere. Ajai eong abunore airit akipi toma ocuma lo loipoyere, kanu aitilimim ipiin neiswamaatar kesi ewisiki. Kanen do kogeuni ngesi agwelanan nges, ido kanen kodumuni ngesi iarei arai iuni nuka ngun icuuman luipoyere ewisiki. Kwana, ngin nges atutubet namam eong amina aitetem, konye erai abeit.

39 Ido eitunit eong adiope paaran, kotoma otogo loedarere isakan, abunere toma togo, amonyi. Naarai kinga kokau naka aiboisit ajai atapar, neda aminare aitubunun akako. Luipu kayesi iituto neaminare atubunun akako kosodete aibwaikin toma amunyemunyen nuka abawoi. Ee, arai ngon eipone loedaria Ejakait Wathen akako kokinga kangina kocaalo. Ido arai Papa loederepai nges, ederepake. Ido neilelebunor atapar na agaria ido kes alosit aitubunun akako ido ayaun ngin toma kosodete aibwaikin ngin toma amunyumunyen nuka abawoi, kanen do neliaror akako kotoma apak naka akamu kwape ijesaror kwap, araasi do nualaete aomit eong, kosubito bala nepetai akako naecor, ido apedorete kesi aitoswam kes, mere aimat, konye aidaritor akipi kolilim, aibwaikin kes airimun abaketin kec ka akile kec, kace da.

40 Ido kadiope paaran erisi akipi kokau katan kana, nearai nepetai alwanis naitogoi itomonakanyarei. Ajai eong acelanar neejai idio yelimam edpedori ajaut kangin, naarai ayapieie neabonguna eong kosomero ido isapa kere alosito atapar, aikat. Amina eong aikat. Ido konyet kes kere alosit aikat dimarai eong, konye ber eong ajaiairit akipi kanu icuma yen ipoi ewisiki. Ejena bo ngin, ikatunga, ebe arai ngin toto, mam acamakinitai. Arai napa ationo noi. ido eitunit eong abunere ngina kede ebokorit loajai ekuluru, ido awenit eong kwap naka ebokoritika kabubuk nukeiduma kanu aitam aigalior apua. Ijo da iswamator kwangin? Cut awenikin abubuk nukeiduma kwap naka ebokorit *kwanata* kosodi awenikin ausi airimun nges. Ikeuni ebokorit kon kuju nepetai bala akou naka akolodong, ijeni jo. Amamete eong adiomuka nunapat. Kanukangun mam isio inapit amuk cut, acepakio atutubet naka apaarasia nuetepia akako. Arai kinap sio, erai nuiraruni isio, arai icetunganan einakini isio. Ido igoen arai aikor naicetunga.

41 Kasodi eong abwoun kokwap naka ekitoi kalo, ido keboiei kangina acelanar (raii olap loikanyetangon) naarai akoto eong alosit aikat, ajaiairit akipi aileleb ipipai kede ibaketin ludidik luesukali gulu, bon nepetai kikeuna *kwangin*, atutubet naka agalon, naarai arai eong ikoku yenididi yen nepetai ikar ikanyarei luapolou. Ido arai eong abukokin kes opipa loti ido konyet abongor kasodi ayaun ace abaketin aarei kasodi abongun, aijang kes. Ngun bon akipi nuijaari isio. ido kes alosete aitwasomao kanu aiswama ewisiki loka eiduma akuar ngin, ikiliok lu ka Papa, kangina kotogo.

42 Ido ajai do eong aimony, ido katipet apupuni eong icebore ekusi bala etapiro, icebore *kwanata* (kwana, aomit bala mam aruo noi), kolosi "Whoooossssh, whoooossssh," koruo kwangin. Ee, kerai aililing naetegelikina, abu do eong angolengole airimun. Ido ijeni jo nueswamasi, etapiro yenedit, eyuunit eong ebe inyaritos yes ngin itapiro yenididi? Kangeset naka ekaru eminas kesi ageunun amisiri naka eiduma, ijeni jo, akwii kace da, kiding apakio nuka akako ka nuamwanis (autumn), kogeunitos akwii aijulakin. Ido ajai eong kwap naka ekitoi loakwangan loepol loka Poplar, abwoi nepetai kiding ekitoi ka etogo loidarere isakan. Kasodi eong apupun aruo ngin. Kasodi eong angolengole airimun, kililingi kaililinga etogo lo. Mam bobo karaida akiot ijanga kanenidio kere, amame ibore. Kasodi eong aoomoom, "Aibo ebunitar aruo ngin?" Ee, aoomoom eong, "Ibusakinit kolwana kane." Ikoku ikoku. Kosodi ageun acelar ido acelar noi.

43 Adakuni eong akabaketin kasodi acelar irwanapu kasodi aider erot, ajaia eong aiyeng. Kasodi eong aiwotokin iputin idis kanen, kokwap naka atenweik nuapolok nuka ekitoi kalo loti, ido, oo, ikatunga, abu koinak aruun naka etapiro. Kasodi eong aibelokin aanyun, ido nepetai atutubet naka ekitoi kangon kokiding ajaiaecetapiro, ikamakina toma okitoi ngon kokusi airimun ka airimun, kijangi akwii ngn. Ee, aoomoom eong emamei ibore itegelikina yenikamunit ngn naarai ngn ejainikinos kotoma apac ngin naka ekaru, ka autumn, kanukinyo, eponiata itapiiron ngn. Ludidik...Inyarit oni kes "itapiiron." Ido kes eminasi adakun apua kuju noi. iwanyunito ijo kes kotoma amodingot kwangin. Ibore ngipengin. Kanukangun abu eong etee, konye mam abu konyou. Naarai duc ekusi ngesi noi apak naedit, kolosi, konye ajai sek toma ngina adakikan aarei ka adepar.

44 Ee, ageuni eong alosit korot bobo. Kasodi eong aibelokin aanyun nu bobo. Ido naeswamaunotor Ngn, Eporoto loka etunganan kocai kwape ecaya loka, kobala ebe, "Siri kimat ajon, esigala araibonat amunaun akonakuan kediopone kere. Ejaun aswam naebit ijo aswam kipoloor ijo." Kanukinyo, amina aitukurian eong noi! Ipedori ijo ainomar eipone loabu ikesa yenididi kopupuno. Abu eong acaka abaketin ngn, kasodi eong alosit ore katipet kwape apedoria, ekalalai noi kokuju naka ekaporoto.

45 Ido ajaasi imunu toma akwap ngin, ido koraasi luadedeng aisorit noi. koomite toto, abunere iririt atuta naka amisiri asubit eong bala ecakit emun loadedengan kokeruni do nges aisiriamer eong. Kasodi eong asomakin akanin ke, ekalalai, atunar nges ka ainu nges. Kosodi ngesi atemar atiar, "Inyobo ationis, atod cabio ijo emun?" Kosodi ngesi aanyanar eong akuan kere.

Abongokini eong ebe, "Mam, Toto! Ejai etunganan toma okitoi ngon kwap ngina."

kosodi ngesi atemar, "Oo, Billy, Billy! Biabo?" Ido ngesi atemar, "Ijo obu kobwou kosodi alosit ajotoor?"

Atemari eong, "Mam, toto! Ejai etunganan toma okitoi ngon, ido alimoki Ngesi eong ebe mam aimat ajon karaida aimat esigala."

46 "Aimat iwisikin kaiboro." Ido ajai eong airt akipi acuma naepoere imaten luka moonshine, cut kanen. Kosodi Ngesi atemar, "Siri kimat ajon karai amunaun akonakuan kediopone kere." Koipone kalero, ijeni ijo, ido ikokuka... atumunak lusap kede apesur. Ido kotoma aijeneka kere, mam eong cut kadiopaaran anyamitotor akiro kanukangun. Abu Ejakait kengarak eong koboro kangun, ido kwape alosio eong ngaren ijenuni jo. Aso kanen do, "Siri kimat ajon arai siri kimat esigala, arai siri kimunamun akonakuan, naarai ejaun aswam naebit ijo aswam naipoloror ijo."

Ee, abu eong kalimok Toto ngn, kosodi nges akwenar eong. Ido ajai do eong toma otasuro loepol. Kosodi ngesi anyaraun emuron, kotemari emuron atiar, "Ee, ekamu ngesi akurianut, nges ngn." Kanukangun kiperikini ngesi eong akapet. Ido ageun apak kangin mam bobo eong etoritor okitoi ngon kitoni lolo. Akuriana eong. Arai do eong aitor owai ece loka amisiri, naarai aomit eong ebe ejai etunganan

kuju okitoi ngon, ido enera Ngesi kaeong, Eporoto loepol loti nges loenera.

47 Ido akaulo kangun bala elap ediope kwangin, ajai eong abolia [marbles] ka inacanaka ludidik, kokinga ngaren naka alaro. Ido kanepekanen kotubokin eong aipup naitegelikina. Kasodi eong abwoun ido aiboikin kwap kosiep loka ekitoi. Ido kijai isio eiduny ka ecilet loka Ohio. Kasodi eong aiteluor owai loka Jeffersonville, ido eong aanyun edaraca elomuni kosodi atubor kocilet, angetakin alalau naka ecilet. kasodi eong aanyun ikiliok itomonakanyape (Emarit eong kes) luapotu kocakinos kotoma naka ngina kosodete atwaniar aijar kec kotoma odaraca kangon. Akeri eong alomar toma katipet kasodi alimokin totoka, ido ngesi aomit ebe araibo abu eong alosite ajo. Konye apotu kes kidarata ngn kotaouon kec, ido akaulo naka ikaru akaisarei kaiyarei ageun apak kangin ejai Municipal Bridge kwana (loetubonorotor luip kayesi naitubonorotor yes ngina) atubor kocilet iswan ngupengun, ido ikiliok itomonakanyape atwakiar aijar kec edukete edaraca ngon atubor kocilet.

Mam cut ekurokitor araan abeit naitekooro. Kwape kianyunata yes kane agola nakalalan [auditorium], erai duc epone ngon isawan kere.

48 Kwana, aomitos kesi ebe arai eong loamarani akuan. Nada erai abeit ebe, arai eong etunganan loemaranunenei akuan, erai abeit. Ido arai cut kimisiik ijo, itunga luelosete araut luimoyikitos eraasi luemaranete awate.

Koany ewadikak ipoems ka inabin. Ido koany William Cowper loda ewadikai ekosio lojenara ngon, "Ejai ekicoi loileleba Aokot, nuelelete kotoma amori nuka Emmanuel." Ijenete iyes ekosio ngon. Abu eong abwoi katesike pac. Onac Julius, eyunit eong, mam eong ajeni, mam...eebo, erai ngin abeit, ajai kasio ngina toma atesike. Ido akaulo na adauna nges aiwadik ekosio ngon, konyouni ayengakinio kamake, kotami ngesi amouni ecilet kanu atwanikin. Kianyu, abu Emoyo konyou kamake. Ka itunga kwanat ewadikak luka ipoems ka inabin.

49 Koany Eliya, neabu nges kobwoia komoru kosodi anyaraun akim kotoma akuj ka anyaraun edou kotoma akuj. Kanen do neanyouna Emoyo kamake, abu koker kotoma aimanasit naka aberu. Ido Edeke adumun nges engopit kabua, akaulo naka aparasia akaisangon.

koany Yona, kede aiyengaikino naedolit naenyonyoikinit Ejakait nges kanu alimonokin kangina ko Ninebe, kitoni ebuga loariakasi bala, st. Louis aitoronokin kede igoen lupukoi. Ido neabu Emoyo konyouna kamake, nunyoika apotu kotakanikisi nges? Idumuni oni nges kokuju moru akaulo naabu Emoyo konyouna kamake, kilipi mamejai Edeke ayangar akeijar. Ido, Kiany ijo, erai aiyengakinio. Ido neiswamaunotor iboro lu, iswamaikini ijo icebore.

50 Kanen do eitunit eong abunere kuju. Ekot eong araan atumunan. (alosi eong asunyakin aitodolikin ngn kotoma apac naetupakini napedit) Neadolokina eong araan atumunan ajaas eong kede aomisio kwape kaluce atumunak. Nealousio eong osomero, abu eong adum kes apesur ludidik. Ijeni jo, arai eong loeleicono, ijeni jo. Ido kawasia abu eong adum apapero yenididi yenipese. Ido kwape isap ludidik kere, nepetai ikar itomonakany luapolou, aomit eong. ido kanukangun, oo, arai naebus. Ikatunga, ajaasi kede akonye bala nuka ajele, ido ajaasi ikela bala ilulun ka emorosing bala atudo naecor, ido arai ya naebus noi.

51 Ido isapat ice yenididi, irai isio ipapero, aso kolemuni ngesi Ford apapake lomojongo model-T, ido kitemokit isio alosit eilate kede apesurukosi. Ido ijai isio alosit ayangaar kes kinga, eilate. kija isio kede isirigin luelosikino agwela ilitai akaisangon luka akinyet. Ajai isio aikeun amopira naokau kanu aisinepun nges. Mam eong ajeni arai tope itunitos yes ngn arai mam, ijeni jo, eipone loisinepunct nges. Konye kijai isio kilosi ngaren ejok noi.

Kosodi kanen do ajaasi eong kede nickels (enusu loAmerica loeriakasi aboolai akany) idis toma osauka, kasodete isio abwoun kotoma aboisit yenididi, ido adumun...ipedori jo adumun itutubet akiring naka epege eburakitai emugati (ham sandwich) kanu enickel. Ido kanukangun, oo, arai eong loabarit, apedori eong agwelun iwongan kakesi! Kiany? Ido akaul isio ainyam sandwiches ka aimat Coke, ageuni eong ainyakar acupai. Ido kotoma ariengun ka, nealomara eong kinga, (korai angor ageun aibiror kotoma asianut ngipengin kotoma apak kangin, arai kotoma araut angor) kojai ijeleka yenididi aimat esigala.

52 Ee, ajaatar duc eong kede aomisioit ka naka aberu naemasi esigala, ido mam eong ejulakit ngn nenidio ageun apak kangin. Erai ngin abeit. Erai ngin ibore yenokwap kakere yenepedori aberu aswam. Ido erai ngin cut abeit. Kasodi eong aoomoom eong...Kwana, eswamak esigala epedorete amoun eong kanuanu, konye, akoto eong alimokin yes, ebe erai ngin acoa naka ajokit. Erai ekaaran loapolon ka amudiaran loejatar akwap na. Ejok gwai ekasapat araut amatan ajon itia araan amatan esigala. Erai ngin abeit. Ejok eong aanyun akaberu eperi kosimit, emera, itia aanyun nges kede esigala.

53 kwana, Emoyo loka Edeke loejai ka eong, arai Ngon erai Emoyo loka Edeke (kwape aticepac iminatar yes aitepeg), yes amatak esigala ijaasi arereng naedit neeidolioto yes ngina, naarai bon ebe...kangol sawa. Ianyuni ijo ngn kotoma otut, eipone loitoronitor Ngesi ngn. Erai ibore yenerono noi. Kolwanar

kaneke. Amucalan, arai inyamitotor yes akiro kanuka ngun, okwe, Kokiror loka Kristo, konyotu awai kaneke! ibilete ngun yes. Epote ngun aiyara yes. Erai ekansa kotoma aileleba naka imotokan.

Etamitos imurok aikwenyar yes. Kosodi konyet eipone loepedoriata kesi aitwegelikin yes iboro ngun! Arai kilot ijo toma osutowa loka ikee kosodi atemar, "Akoto eong agwela ekansa loedoli aboolai akaisakany." Kanukinyo, epedorete abunere aigol kes cut. Konye naigwelia ijo esigala loedoli aboolai akaisakany, ijai ijo agwela ibore ngipengin. Ebalasi Imurok kwangin. Oo, erai na akwap naekerekpisi isirigin. Erono noi. Erai ekaaran. Adaun aitogogong.

54 Ee, neanyuna eong ipese yenebus yenididi ngin ituputooro bala eco, konye kotingite esigala kakanike, akoto ngin bala ti ayaraar eong, naarai aomit eong cut ebe amina nges. Kasodi eong aoomoom, "Ee..."

Kwana, anyaritai eong "loangara angor," ijenete yes ngun, naarai duc etapit eong einer bala asurokit angor, konye mam asurokinit yes anacan. Asurokinit bon eong eipone loiswamatar angor nukatinenikwana. Erai ngin abeit. Angor nuejokuka ibusakinit kojaasi kesi da nepenen.

55 Konye aroko eong eitunit nearingar acuma apapa naipoere ewisiki isomai, ajai do eong ajaut kinga ngina airit akipi kaiboro, iteijo apesur numamadolito ikaru itomonakanyaarei, itomonakanyauni nuka apolou, kokuju angina kede ikiliok luatur ka, emerasi. Arai do aitam ainakin kesi akawa aikwaara emerete tetere epedorete adolere ore kanu aipoikin ikec ikiliok inyamat luka atibong. Oo, icebore kwangin, katema eong, Eong... "abu do na korai akakirot kanen, "Mam kes ibusakinit arasasit naelai naejok kanu aaria kes." Erai ngin abeit. Koinakini eong angarun angor. Erai ngin abeit. Ido arai eong asesen adiosiomisioit kwana, kanu amamus asalit aoomoomoi ibore ngipengin.

56 Konye kwana, aberu najokan erai ibokat yenetiai kotoma aboko naka ekiliokit. Ibusakinit nges koyongitete. Erai totoka aberu, akaberu da erai, ido eraasi nuibusiak. Ido kija eong kede ilukumin nuka anacan nu Kristayon nuayongit eong noi. Konye arai epedorete kesi aiyong nuabu Edeke kiswamak kesi, araut toto ka akabaka obe, erai ngin abeit. Erai ngin idiope kotoma oboro luejokuka kakere yenapedori Edeke ainakin ekiliokit, nges aberu. Kilema aitajario, aberu nges ibore yenejok kakere arai erai ngesi aberu najokan. konye arai mam erai, abala Solomon ebe, "Aberu najokan erai ibokat yenetiai kaboko naka ekiliokit, konye naenyunyurana ido kotono arai namam ejok erai akipi kotoma aokot ke." Ido erai ngin abeit, erai ibore yenerono kakere yenepedori aiswamaun. Aso aberu najokan...Arai ijaatar ijo aberu naejok, onac, ibusakinit ijo ayongit nges kaikiara. Erai ngin abeit, ekot ijo aswam ngun. Aberu obe! Kosodi, idwe, arai ijaatar yes toto obe naiboei kore ido kotamite aidar yes, idarite igoen kus kolaete, ijkari yes osomero, kisisianakini yes nuikamunitos Yesu, ibusakinit yes aiyong toto ngin namojong naejok kede kere nuejaasi tomakus. Ibusakinit yes ayongit aberu ngin, eebo, ipa, naarai erai ngesi toto obe.

57 Inerasi kesi nuikamunitos amamus asiomit naka omoru luka Kentucky. Ianyuni ijo ngun kane kotoma oboro itunga luican lukocaalo. Ace kakesi nuatoto numakio kokinga kangina apedorete abunere ne neiswamaere esinema kosodete asisianakin yes nuatoto nuatinenikwana eipone loitopolounet idwe kus. Kocamakini ijo ikokukon alomun toma adiope kuare kede iketima kere emunauna, ido akituk... (inyo inyaritos yesi ngun?) iriagin luisutanakinete kesi oreeta kec, ido egoeke kere kosukoro osiep ediope, ajai kinga akuare kere, omera, onac, ti ya igweru atenut adiopet okuju okitoi ido ti mam bobo irucaki alosit kinga cut. Alimokin eong ijo, korai ojatatar ijo ngun nuiyatikina mot, ti yes ijaunos kede Hollywood najokan kane, kede akwap najokan. Erai ngin nabeit. "Atamit araut lukatinenikwana," ngin nges adiopet acoasinei ajokit.

58 kwana, ipese yenididi yen, neangoliara ngesi, abu apup aiturur naepol. Kasodi eong aoomoom, "ikesa yenipuda,

Kosodi ya alimun ebe, "Oo, ikoto jo esigala, Billy?"

Abongokin eong ebe, "Mam, napolon." katemari eong, "Mam eong amasi esigala."

Kotemari ya, "Kwana, ibala jo ebe mam ijo ikosei." Akotosi kesi alosit ekosio ido mam eong apedori aswam ngun. Kanukangun abalasi kesi ebe ejai ekosio kwap ngina, neanyaritos kesi Sycamore Gardens.

Kasodi eong atemar atiar, "Mam eong ekosiei."

kotemari ya, "Kwana, mam ijo ikosei, mam ijo imasi esigala, mam ijo imasi ajon. Biai bodo ilakanaror ijo?"

katemari eong ebe, "Ee, amina eong ailok ka ameja." mam ngun apotu kisupasi nges.

Kanukangun kolimuni ya, "Aso ber ijo esigala lo."

Kasodi eong atemar, "Mam, napolon, eyalama. Mam eong amasi esigala;

59 Ido ajai eong abwoi kotoma aigalisit. Ajaatar kesi abao naicaki ijo idokari omotoka kotoma Fords

Iumojong, iitutos yes, ido ajai eong abwoi kotoma abao ngin, keboei koicolong kalokau, ya ka eong. Kosodi ya atemar atiar, "Akepolou mam ijo imasi esigala?" ebala, "Ido isio apesur atiting adepar ijo;

Atemari eong atiar, "Mam, napolon, mam eong eyuunit arai akoto eong aswam ngun."

kotemari ya, "Kanukinyo, ijo ekurieu loti! Oo, ikatunga! Akoto eong araut bill loaronon loti, kanukangun kotoma abeit mam eong akoto araut ekurieu. Itei jo. Akoto eong araut ekajiot loetelekaaran, arai ngin akawomisiot naka aijar. Kanukangun atemari eong..."Ekurieu! Ekuriau!"

60 Mam eong apedori atitingikin ngun cut, kanukangun atemari eong atiar, Koinakinai eong!" Ariorite do eong akanika, katemari eong, "Alosi eong aitodikin ngin arai arai eong ekurieu arai mam." Ejauni eong esigala ngon kasodi ageun ainokokin akibiriti. Kwana, ajeni eong irai jo...Kwana, mam eong ekamunitos nuiomitos yes, konye ekamunitosi eong bon nuener abeit. Neageuna eong aicweikin esigala ngon, alosikinite cut ti aimat nges kwape alemunia eong Ebaibuli lo, kiany, apupuni eong icebore elosi, "Whoooossssh!" Kasodi bobo eong aitam, konye mam eong apedori aitodolikin akituk ka. Kasodi do eong ageun aimony, acakakini eong esigala kwap. Kogeunete kesi akwenar eong. Kasodi do eong abongor ore, aitor toma misiri, eboikin kwap kokinga kangina, kamonyi. ido arai aijar naronon.

61 Eitunit Papa adiope paaran ejai aijesar kwap toma ocilet kede isap. Onaceka ka eong, apotu isio adokata ataker kasodete alosit aikiar kuju ka kwap kocilet, amoott icupai nuituranakina ewisiki toma. Ijaatar isio a nickel kanu acupai atomonarei, kanu alemun kes kariri naka ecilet. Ido papa aupasi ka eong, ido kojaatar kede idiopet loka ngun kalupadal ludidik...Eyuunit eong araasi kesi nepetai acupai nuatutubet naka litre. Ido kojai do ekitoi loacakarit ekwam, kosodi Papa...koupasi do papa kede etunganan lo, Ejakait Dornbush. Ajaatar ngesi kede ataker naelai noi, ido abu eong epuda adumun asianut kaneke naarai akoto eong aitoswam ataker ngin. Ajaatar kede aigaet naejok konye naka amameatar kede aigaet cut. Ijaatar kede akingola numojong kanu aikwangia. Ido korai ocamak ngesi eong aitoswam ataker ngin...Kanukangun, esisiat ngesi aicwe ido eswamakit ngesi Papa acuma naipois ewiski. Apotu kesi kocakanasi akejenekec kuju kotoma okitoi kongan, Kosodi Papa airupar akekan oisaoke lokau ido alemun icupa yenididi yenipadal yenajai ewisiki, ikopakini nges kosodi ngesi amasikin, ido ainyakakin Papa kosodi ngesi da amasikin, akaulo abu kosipok kwap kuju alias yenididi kosiep loka ekitoi naliarit awai. Kosodi Ejakait Dornbush alemuni, katemari, "Aso, Billy."

Katemari eong atiar, "Eyalama, Mam eong amasi."

Kotemari ngesi atiar, "A Branham, ido komam imasi?" Nginidiopet abu kotwana konapite akemuka, nepetai. Kosodi ngesi atemar, "A Branham, ido komam emasi?"

Katemari eong atiar, "Mam, ipa."

"Mam," Ebala Papa, "Etopolout eong da ekurieu ediope,"

62 Papaka anyara eong ebe ekurieu! Katemari eong atiar, "Koinakisi eong acupa ngin!" Kasodi eong apukor arapet naka ecupa, kalosikite amatar nges, ido neageuna eong aikeun ecupa kanu amatar, "Whoooossssh!" Kenyakakini eong ecupa ido anyoun akeri aitor amisiri kagogong kere kwape apedoria, kamonyi. Mam icebore acamakit eong aswam ngun. Iteijo? Mam eong apedori alimun ebe karai eong loadijokis (Alosikinit eong cut aswam ngun), konye erai Edeke, asianut, asianut naeumokina nges abu kedar eong kotoma aswam iboro ngun. Konye eong akoto aswam kesi, eong elopet, konye mam Nges abu kacamat eong aswam.

63 Ekaulo abu eong adum apese nearaar eong nepetai ikar akaisarei kaluarei luka apolou, karai naminat cut. Arai ngesi apese namina alosenen toma okanisa, German Lutheran. Ekekior arai Brumbach, B-r-u-m-b-a-c-h, loda elomunit kotoma okiror loka Brumbaugh. Ido arai apese na ajok noi. Mam amasi esigala karaida ajon, mam ekosiei arai idiobore kere, apese najokuna noi. Apotu aupakinos kede nges apak naedit, ido apedori eong...Kanen do, nepetai kokaru akaisarei kaluarei, abu eong apedo aiswamaun isirigin luadolete agwelun Ford lomojong, kasodi eong...apotu apedosi alosenen eilate nepepe. Ido kanukangun, apakio ngun amamei ekanisa loka Lutheran loayapiei, naarai apotu kesi kikunysi Howard park kuju ngina.

64 Ido ajai ekejanakinan, lobu kesiboik eong kotoma Missionary Baptist Church, Emuron Roy Davis. Inac Upshaw, ngipengin naobu kijuk Onac Upshaw mamakang, arai naobu kinerakinos kanges nuikamunitos eong, Emuron Roy Davis. Ido kanukangun ajai ngesi alimonokin, ido kojaatar ekanisa loanyaritai First Baptist, mam eong eiyuunit ebe arai ngon ekanisa loko Baptist Losodit, aswam ngesi anyaritai ebe Missionary Baptist Church kotoma Jeffersonville. Ido ajai ngesi elimonokini kanen kapak kangin, ido kilosi isio okanisa kuare, kanukangun...ka isio abongun. Ido mam eong alomaritor okanisa, konye abu eong aminakite alosenen kede nges. Naarai aomisioit napolon arai "aupanar ka nges," ekot eong araut loemunono.

65 Kanukangun aupa kede ngesi, ido adiope paaran eong...arai ya nalomunit kokale loajokuna. Ageuni do eong aoomoom, "ijeni jo, ijeni jo, mam ibusakinit eong ayangaar apak naka apese kangin. Mam-mam edolit, naarai erai ngin apese naejok, ido arai eong lokican, kosodi eong..." Papaka ejai edeka, ido amamei

eipone loapedoria eong aidar apese kwanat kangin, nada anaikinit alopet aijar kore kaloejokuna kada ekapet kokwap.

66 Eitunit eong ekapet losodit eong aanyun, mam eong elope ajeni ibore yenarai ngesi. Abu eong olope eriri osiep. Naarai aomit eong ebe yeni ngesi ibore yenelai yen aanyunitor eong kotoma aijaraka. "Aumok eong ebe biai bo ebwaikinatar kesi ibore kwanat kangin kwap osimit?" Arai ekapet losodit eong olopet aanyun. Eyuunit eong ebe enyaritai "ekapet." Apedori eong alimunite aticepak erono da. Icebore bala "yenicitai bala ebukit" arai ice bore yenicitai kede iusiok, kopesikitete kwap toma osimit. Loibus korai lopiria ka loarengan, ido kiswamaikitete aturot kiding ke, ijeni jo. Arai ibore yenibus noi.

67 Ido kanukangun eitunit eong alemun aomisiot ebe ejai eong ailip nges adukokin kede eong, arai ajalakin komany ecetunganan loejuna. Ediotunganan ioejok mamake, loopedori aidar nges ejok, ido ti kopedori asianikinit nges. Apedori ti eong asianikinit nges, konye eswamai eong abolai akaisarei bon kangol sawa. Kanukangun mam eong olope apedori aidar ngesi ejok. Ido kede ekale kere loabeit isio aidar, naarai ajai Papa edeka, ido ajai eong aidar kesi kere, kanukangun ajaatar do eong kede apak naninik noi.

68 Kanukangun aoomoom eong, "Ee, ibore idiope yenebeit eong aswam nges alimokin nges ebe eong...nges...Mam eong abonguni, naarai aoomoomot eong noi nuka nges amunaar akeijar kede ajalakin ngesi aitumor kede eong." Ido kanen abu do eong aoomoom ebe, "Korai ece ikamaros kede nges kosodi adukokin ka nges, kosodete adukun ekale loejok. Ido arai mam eong apedori ayangaar nges, ti eong ajeni ebe iyalama nges."

kwangin abu eong aoomoom, "Konye mam eong cut apatana aipal nges!" Ajai do eong ojautene lomam ajokuna. Ido kangin paaran arai eong aoomoom ngun. Ido arai bobo eong lo akuriana aingit nges akiro nuka adukokin ka eong. Kangin kuare alemunii eong etau ka, "Alosi eong aingit nges." Ido, ne eong, uh, inyobo ngin, apelepelen, arai icebore yen ibwaikini ijo...? Yes kere inacan okinga kangina motoko ijaunatar kede akiro kwanat kangun kotoma oboro kangun. Ido aipup naitegelikina, na apedori ainakin ekareet amwanar. Mam eong ajeni. Mam eong apedori aingit ya.

Ajeni eong ipedorete yesi aoomoom eipone bodo ani abu eong adukokinor. Ijeni jo inyo? Abu do eong ewadikaik nges ebalua kasodi aingit nges. Kwana, mam arai ebe "Apese naminat," adeparit nen mot (Ijenete yes) kotoma owai loka amin adepar ngun. Mam bon arai acamananar, arai...Abu eong ewadika ngun cut, koipone kalo apedoria eong.

69 Ido akuriana eong totoke mot. Naarai arai toto nake nasubit bala mam apatana. Konye papake arai etunganan loeyapepeara loarai Dutch, epolon loenapakina noi. Arai ngesi etemonokinan loka eswamak, itunga luka agaali, kotoma orot loka agali, iswamaete nepetai idolas akwatakany (500) kangoli lap kanekec acepakio. Ido eong eswamai aboolai (20) bon kangon sawa, adukokin aooke. Uh! Ajeni eong ebe mam ngun epedoros cut. Ido toto nake arai amucalat najok. Kosodi asubit idiope kalu ekeikina aijar, ijeni jo, ido kosubite napodokinit ainap jokan, ijeni jo, ido kanukangun amamei ya aswam kanuka. Naarai arai do eong elopet isapat yenocaalo . Ido aomit ya ebusakinit Hope adukokin kede esapat loikiara adoketait mot, ido aomit eong ebe adulit ya. Konye mam ber eong aomit ngun koipone kangon.

70 Kanukangun aoomoom eong, "Ee, kwana, mam eong ajeni eiponeani. Mam eong apedori aingit papake, ido ajeni eong cut ebe mam eong alosi aingit totoke. Ido kanukangun ejai eong aingit ya ber." Kanukangun ewadikaari eong ebaluwa. Ido atupuruc ngin alosi eong aswam, edoikini eong toma asaduku naka eposita. Ijai isio alosit okanisa akuare kanauniet, ido arai ngin atupuruc kanaEbalasa. Abu eong atamite apaaran kere kanaEsabiti alimokin ya ebe akoto eong adukokin, konye mam eong apedori adumun atitingu naedolit.

Aso abu do eong edoik ebalua toma asaduku naka eposita. Ido kotoma aswam apaaran ngin abu eong ageu aoomoom, "Dobodo arai edumu totoke ebalua lo?" Oo, ikatunga! Kanen do ajeni eong ebe adau eong amunaun arai cut kedumu ya ebalua lo, naarai mam ya apodokinit noi nuikamunitos eong. Ee, ajai do eong eteluonori aiteluonor.

71 Ido akuare ngin Naiuniet neabunio eong, oo, ikatunga, aoomoom eong, "Eiponeani alosio eong alosit ngina? Arai edumunit totoke ebaluwa ngon ebuni ngin aibungaar eong cut, kanukangun amuno eong ebe abu ngesi kodum ebaluwa." Ewadikaikit eong ebaluwa neejai "Hope." Arai ngon ekekiror, Hope. Ido kanukangun abu eong kalim ebe, "Ewadikaikini eong nges kane neejai Hope." Ido aoomoom eong aticepak mam ngesi emina kodumunite ebaluwa.

Kanukangun ajeni eong ejok itia abwoun kokinga ido akutakin angoobe kanu ngesi alomun kinga. Oo, ikatunga! Ido ediosapat kere loemameatar atitingu naedolit alosit kitoni togo ido aikungokin ekek kanu aingitun apese, mam ejaasi kapedor alosit eilate kede ngesi kediopone. Erai ngin cut abeit. Erai ngin amamus aijen. Erai ngin aniniku.

72 Ido kanukangun etwobwouni eong Ford ka lomojong, ijeni jo, ido adaunit eong ailotar cut ejok. Ido kanukangun kewonyari eong kasodi aikungokin ekek. Kobuni totoke, Mercy okek! Mam eong abu kapedo

aitwobwoun ekaiyengane, katemari eong, "Biai-biai-biai bo jo, Amucalat Brumbach?" Eebo.

Kobongokini ngesi, "Biai bo jo, William."

Aoomoom eong, "Uh-oo, 'William'!"

Kosodi ngesi atemar atiar, "ipedor ijo alomun toma?"

Abongokini eong ebe, "Eyalama." Alomari do eong toma. Katemari eong atiar, "Hope eyapie adaun akapakin?"

Ido kanen kolomuni Hope ecedi kotogo, apese nepetai naikaru itomon akanykape. Kosodi alimun ebe, "Billy, yoga!"

Kasodi eong abongokin, "Hope, yoga." Ido katemari eong atiar, "Ijo eyapie akapakin kanu alosit okanisa?"

Kobongokini ngesi ebe, "Nepetai kotoma odakika."

Aoomoom eong ebe, "Oo, ikatunga! Mam ya abu kodum ebaluwa. Mam ya abu kodum ebaluwa. Ejok, ejok, ejok. Mam araida Hope abu kodum nges, kanukangun ejokunar do, naarai ti cut ngesi elimoki eong ngun." Kanukangun abu do eong apup ejok noi.

73 Ido nepe adoli eong okanisa, ageuni bobo eong aoomoom, "Dobodo karai edumunit ngesi ebaluwa? Iteijo? Ido mam bobo eong apedorit aipup nuenera Emuron Davis da. Arai do eong asesen ya bon, kaoomoomoi ebe, "Arai motoko ibwait ber ya ngun, konye cut kolosi alimokin eong akaulo nanyouno eong kane, kanu aingit ya ngun." Ido mam eong apedorit apupun nuenera Onac Davis. Ido arai eong asesen ya bon, kasodi eong aoomoom, "Ikatunga, Angara eong ajalakin nges, konye...Ido eong...ebunit apak nabeit." Kanukangun akaul naka ekanisa ageunete isio ajesun orot aupasi nepepe, alosete ore, ido kanukangun alosete isio neajai Ford lomojong. Ido konyet apak ngin kere kocai elap lii, ijeni jo, angolia eong ido arai naelai. Esapat, angolia eong ya, kasodi eong aoomoom, "Ikatunga, eipone loti aminakitor eong ayangaar ngesi, konye aomit mam eong apedor."

74 Ido kanukangun enyikokini eong alosit ngeren moti, ijeni jo, ido bobo eong angoliar ngesi. Atemari eong atiar, "Eiponeani ipupia jo lolo?"

Kobongokini ngesi ebe, "Oo, apupi eong ejok."

kasodete isio aitwobwoun Ford lomojong, ido ageun alomun kinga, ijeni jo, kosiep, alosete airimun ekoona kasodete alosit togoke. Ido alosi eong cut kitoni okek kede nges. Aoomoom eong, "Ijeni jo, motoko mam ya abu kodumunite ebalua, kanukangun amina do eong da apalun ngun. Abuni eong adumun ecesabiti loka asianut kediopone." Kanukangun adumunit eong aipup ejok.

Kotemari ya atiar, "Billy?"

Atemari eong ebe, "Ajai."

Kotemari ya ebe, "Abu eong adum ebaluakon." Oo, ikatunga!

Atemari eong atiar, "Abu ijo kodum?"

Kotemari ya atiar, "Uh-Huh." Ee, inyikokini ya alosit ngaren, mam alimun akirot ace.

Aoomoom eong, "Aberu, kolimokinai eong icebore. Orukoro eong awai arai kolimok eong nuiwomit ijo kanuikamunitos ngun." Kasodi eong atemar, "Ijo kobi osiom nges?"

Kotemari ya atiar, Uh-huh."

Ikatunga, ijeni jo eipone loepedoria aberu aililingkin ijo. Oo, mam eong apelekinit ngun koipone kangon, itei jo. Kiany? Konye, kediopone, ijeni jo, aoomoom eong, "Kanukinyo mam ijo kilimuno idiobore?" Iteijo, kasodi eong anyikokin alosit ngaren. Katemari eong ebe, "Ijo kobi kosiom kere?"

Kosodi ya...[Nemamei ibore katep] "Uh- huh."

75 Aso nepe ijai isio ayapikin okek, kasodi eong aoomoom, "Esapat, mam idumakini eong toma obalasa, naarai acepak mam eong amina apedor ailany kes, kanukangun olimok ijo kwapekwana." Kasodi konyet eong ainyikokin aidar.

kosodi ya atemar ebe, "Billy, Tieminakit eong aswam ngun." kotemari ya atiar, "Amina eong ijo." isirereng Edeke ekemoyo kwana, ejai ngesi toma Aibus. Kotemari ya atiar, "Amina eong ijo." Kotemari "Aomit eong ekot oni alimokin iuriakawok akiro nu. Iwomit ijo biai?"

Kasodi eong atemar ebe, "Naminat, opupok, ageutu nu kede luemorito aomisioit kaoni." katemari eong

atiar, "Alosi eong alimokin papakon arai ilosi jo alimokin toto nakon." Aisirakin atutubet naetiono mamake, ageuna.

Kotemari ya atiar, "Mam ace, arai ilimokini jo papa ber."

Atemari eong ebe, "Mam ace, alosi eong alimokin ngesi kanaEsabiti kuare."

76 Ido edolu akuar kanaEsabiti, ayauni eong ngesi ore kokanisa kasodi eong...Abu ngesi kinyikok angolianar eong. Kasodi eong angoliar, ido arai isawan iuni kede atutubet, arai apak na abeitor eong anyoun. Aso kojai Charlie iboei abao, inomi atapuraita. Ido kojai Amucalat Brumbach iboei Kosooda, edonyi ibore yenasubit bala eitabala, ijeni jo, arai asuat nalungur naegolere apipai, ijeni jo. Mam eong ajeni eipone loinyaritotor yes nges. Ido ajai ngesi iswamai aputo iboro kwanat kangun. Kosodi Hope ainyikokinit angolianar eong, ido oyedanakini ngesi eong akonye, ijeni jo, aremit eong ainerakin kede papake. Ido eong...Oo, ikatunga! Aoomoom eong, "Dobodo arai ketema ngesi, 'Mam'?" Kanukangun ageuni eong alosit okek, atemari eong, "Ee, aomit eong ti ejok eong alosit."

77 Kasodi eong alosit kitoni okek, ido oupakinosi ngesi kede eong kitoni okek. Amina duc ngesi ainyamunun eong kitoni okek kanu alimokin eong ebe "akuare najokan." Kanukangun ageari eong alosit okek, kosodi ya alimokin eong ebe, "Biaibo mam ijo ilosi alimokin ngesi?"

Abongokini eong ebe, "Huh!" Atemari eong atiar, "Acamunit eong atamit eong aswam ngun, konye mam eong ajeni eipone loalosio eong aswam ngun."

Kosodi ya atemar atiar, "Alosi eong abongor ido jo anyaraun ngesi kinga." Kanukangun kobongori ngesi ido ajalakin eong abwoi kanen.

Kasodi eong atemar ebe, "Charlie."

Kibelokin ngesi kosodi atemar, "Ajai, Bill?"

Atemari eong ebe, "Apedorri eong da ainerakini kede ijo apak edit?"

Kotemari ngesi ebe, "Abeit." Ibelokin ngesi airimun kotoma abaoke. Abu Amucalat Brumbach kongolia ngesi kosodi angoliar Hope, ido angoliar eong.

Kasodi eong atemar atiar, "Ipedorri ijo abunere obalasa?"

Kosodi ngesi atemar ebe, "Eebo, Alosi eong abunere kinga." Kanukangun kobuni ngesi kinga toma obalasa.

Katemari eong ebe, "Nabeit erai na akuare naibus, mam erai?"

Kobongokini ngesi ebe, "Eebo, erai."

Atemari eong ebe, "Nabeit arai napemwana."

"Cut cut kongoliari ngesi eong.

Atemari eong atiar, "Ajai lem eong eswamai noi kagogong," Atemari eong ebe, "Ijeni jo, kitoni akakanin agogongor."

Kotemari ngesi atiar, "Ipedorri ijo ayangaar ngesi, Bill." Oo, ikatunga! "Ipedorri ijo ayangaar ngesi."

78 Aoomoom eong, "Oo, erai ngin naejok noi." Atemari eong, "Ijo ilosikinit ngun cut, Charlie?" Kotemari ngesi...Atemari eong, "Charlie, koany, ajeni eong ebe erai ngin akookon, kosodi ejaasi jo isirigin."

Kosodi ngesi aikunyun ido aiting akakan. Kotemari ebe, "Bill, kopupok, mam isirigin erai iboro kere luejaasi aijar naka etunganan." kotemari ngesi...

Katemari eong atiar, "Charlie, eswamai eong abolai (20) bon kangon sawa, konye amina eong nges ido ngesi da emina eong. Kosodi akoto eong aisumunikin ijo, Charlie, ebe abuni eong aswam kitoni abokoror nakaninika adaun, kanu aanyun ebe ebuni ngesi aijar ejok. Abuni eong araua lomunot mamake kwape apedoria eong."

Kotemari ngesi ebe, "Eyuunit eong ngun, Bill." Kotemari ngesi, "Kopupok, Bill, akoto eong alimokin ijo." Kotemari, "Ijeni jo, aiyalama, mam cut erai ebe ikapuni ngesi eyaunete aiyalama." Kotemari, "Korai bon loijok mamake. Ido ajeni eong ebe ipedorri jo."

Katemari eong, "Eyalama, Charlie. Nabeit abuni eong aswam ngun."

Kanen do koraun akepak alimokin Toto. Mam do eong ajeni eipone loabu ngesi kopedoria, konye apotu isio adukokinos.

79 Aso, neidauna isio adukokin, amamei isio idiobore kere, yenebakai ebe yenikotogo. Aomit eong kijaatar isio idolas iarei arai iuni. Aso epagisaunete isio etogo, loda itaci isio kangol lap idolas iwongan. Arai itogo yenadit komojongite yenagolaik aarei bon. Kosodi ecetunganan ainakini isio eitada lomojung loedolanakin. Mam eong ajeni arai tope ejai yenejeni eipone eitada kangon? Aponi koinakinai isio ngon. Kasodi eong alosit Sears kede Roebucks kanu eong adumun imeesa kede icolongo iwongan, lu amamei eriagi kotoma, ijeni ijo, ido apotu isio adumutu ngun kotoma apak. Kasodi bopo eong alosit neejai Ejakait Weber, loagwelanari iboro luecakanaritai, kasodi do eong agwelun asigiri naipois. Abu eong atac abolai akaisakany karei kalukany kanuke, ka edola kaicebore kanu atotole nuibwaikina tomake. Ageunete isio aitemonokin etogo. Eitunit eong ayangar ka aisutakin eraagi oicolongo, nesutakina eong kes. Ido, oo, eyalamikinos isio, araida ber mam iboro ejokunara noi. Ija isio kayenice, kanukangun araasi ngun kere nuebusakinito. Ido Edeke, kanuka aitimike ka ajokisiKe, irai isio ekale loedit loeyalama noi loti epedo ajaut kotoma akwap.

Abu eong adum nu, ebe aiyalama mam erai ebe kanu iboro luipu luka akwap luijaatar ijo, konye erai eipone lo isilosikinor ijo kede luiinakinitai ijo.

80 Ido, akaulo na apak kanaedit, abu Edeke ijesun kosodi aisirereng ikosi ikale yenididi, apotu isio ajaunos kede itelepat. Ekekivor arai Billy Paul, ejai da kwana toma aijanakin kane. Ido akaulo apak adio ageun kanen, bala ilapio itomonadiope, abu bopo Ngesi kisirereng isio kede ipese yenenyaritai Sharon Rose, elemunitai kotoma akirot naka "Aturot naka Sharon."

Ido eitunit eong adiope paaran abu eong emonote isiriginika ido ajai eong alosit eilate loesupaana, alosit kitoni aboisit, angolol naenyaritai Paw Paw, aikat. Ido kotoma orotoka abongun...

81 Ido kotoma apak na... alosi eong ailam aibelokino ka. abu eong kebelokin. Ido arai Emuron Roy Davis esiboikini eong, kotoma okanisa loka Missionary Baptist, ido abu eong karaun ejanakinan ido kwana ajatatar eong ekanisa loda ejanakini eong kotoma koJeffersonville. Ecokiei ikanisa yenididi.

Komameete ikapaun, abu eong ecoki ekanisa ngon adaun ikaru itomon akanyakarei konye mam eong abu adum karaida idiope kapu. Mam eong eyuunit ayang-... amameotor karaida ber adita naka icakan kotoma. Ka idiopet kotomon luadumununei eong kotoma aswam, kace da, ajai isaduku yenididi kau nakaduketait, kobala, kojaatar ianyunet toma, ebe "neipotu kiswamaikinata idiopet kalu didik Ka lu apotu kiswamaikisi Eong." Ido kanen eipone ngon nges atacere ekanisa,

Kijaatar isio kede eloon(apesen) nabeit aitac kotoma okaru itomon, konye aponi kotacarai eroke edolo ikaru iarei. Ido mam eong ayangaritor icakan kanuka karaida idis.

Ido kanen do ijai eong, oo, idolas idis luengadit eong kanu ailator ka. Abu ya da kiswama, kotoma ocuma Loeswamaere isatin. Apese naminat. Ido atesike lolo acepaket erai kere akako, konye eroke ejai toma otauka. Ido eitunit eong neabu ngesi kiswama kede agogong noi aingarakin eong adumun isirigin luelosikina eong alosit toma ocor lo aikat.

82 Ido neajaar eong abongun kocor, ageuni eong aanyun, napadoluni eong Mishawaka ka Bend, Indiana, ageun eong aanyun imotokan luajasi kede aanyuneta kau, ebalas, "Yesu Bon." Ido abu eong kaoomoom, "Esubito ngun bala itegelikina, 'Yesu Bon.'" Ido ageuni eong aanyunun aanyuneta ngun. Ido ajai nenidio kere anyoun ogalin, ipikipikin, Cadillacs, ka inyo bopo, "Yesu bon." Kasodi do eong da atupakin kodolete okanisa lopeti. Ido abu eong kadum ebe araasi Ipetikootin.

Apupunit eong nuka Ipetikootin, konye eraasi kesi aibunget naka "Ebelibelok lukalaunak luaperete kokwap kokuete kaitukes kec," kace kere nuapotu kesi kalimokitosi eong. Ido mam eong akoto idiobore yenikamanara kede ngun.

Aso apupunit eong kes kere inyikokitos kotoma kangina, kasodi eong aoomoom, "Kiyuu abuni eong alomar toma." Kanukangun abu eong etwobwou Ford ka lomojung kasodi alomar toma, ido awoere kere naipupunit ijo kaijara kon! Ido abu eong angic ebe ajaasi ikanisan iarei nuapolok, ediopet kakesi anyaritai ebe P.A. loka J.C., ka P.A. loka W., luipu kayesi itunga iminas aitun iriong-...ngun lumojung aomit eong emorumorunosi, enyaritai kwana, United Pentecostal Church. Ee, abu eong apup ice kotoma esisianakinak kec. Ido abwoete kesi kanen, Oo, esisianakinete kesi nuka Yesu ka eipone loeraar Ngesi loeumokina, kede eipone loaraar nginibore yeneumokina, ka nuikamunito "aibatisao naka Emoyo Lokalaunan." Aoomoom eong, "Nunyoika inerasi kesi?"

83 Ido, akaulo naka apak naedit, kosomun ediopet etunganan kosodi agear einer kede angajepa. Ee, mam eong apupunit ijo idiobore kwanat kangin kotoma aijara ka. Ido kane Kobuni aceberu kotoma kangina ekeri noi kagogong kwape apedoria. Kanen do kodokunete kesi kere kuju kosodete ageun akerit. Kasodi eong aoomoom, Ee, onac, nabeit emameotor luiponesio luekanisa!" Iluluete ido kocelanaros ido kinyikokinito, aoomoom eong, "Inyobodo aibunget erai na!" Konye, ijeni jo, icebore yenikamunitos ngun, adau eong aojau eboei kangina, ageunete ngun aminakin eong. Ajai icebore yenasubit bala ajok noi. Ido ageuni eong asesen kes. Kosodete ngun ainyikokin. Aoomoom eong, "Alosi eong atitingikin kes apak edit,

naarai ayapiei eong okek. Arai egeun icebore bala eigur, akeri eong kinga. Ajeni eong nesipokina ekamotoka, mam eluana noi."

84 Ageuni eong aipup ice kakesi ikalimonokinak, araasi luesiomito ka esisiak. Kanukinyo, aoomoom eong, "Ejokuka ngun."

Aso kodoli do apac naka ainyam lukatibong, kasodi eong atemar, "Nginitunganan kou ainyam luatibong."

Abu eong kaoomoom ebe, "idareu bere moti. Ajaatar eong adollar ediopet boni kede aboolai akaisakanyarei ikany kanu abongora ore, ido eong..." arai ngun bon ajatar eong kanuka akinyet. Lupelosikina ayangari eong kitoni ore. Ajai eong ekamotoka loka Ford lomojong, arai lo alai kojok eFord lomojong. Mam ebororitere, asubit cut bala lo ejai kinga ne, anyamuna bon. Eyuunit eong cut ebe apedorete ifords lu akerete amairon akaisauni kangin sawa, konye korai ebe akerit atomon akany lailo atomon akany lailo. Itei ijo, imorikikin ngun nepepe, idumuni do ijo akaisauni. Ido kanuka ngun...kaoomoom eong, "Ee, akuar ngin aomit eong apedori eong alosit kinga ido aaulo na..." Aponi kitapaikinai eong kanu aijaanakin naka akuar.

85 Ido, oo, kotemari ngesi, "Ikalimonokinak kere, komam ace erionget, kopotu toma otut." Ee, ijai isio nepetai bala akwataarei kuju ngina, abu eong kalot kuju. Ido konyet nges atemar, "Kwana, imamiatar isio kapak na yes kere alimonokin." Kotema ngesi atiar, "Kotubor kosodi alimun ingai ijo ka neibunitor ijo."

Ee, kodoluni apak ka, katemari eong, "William Branham, Baptist. Jeffersonville, Indiana." Atubor do eong.

Abu eong apup kes kere itodianaros, "Pentecostal, Pentecostal, P.A. loka W., P.A.J.C., P.A.W., P..."

Atubor do eong. Aoomoom eong, Ee, aomit eong arai eong aberiang kakere." Abu do eong eboikin, kasodi aidar.

86 Ido kapaaran kangin, ajasi alimonokinak lu ajokuka, lutumunak ngina, ido kolimonokitos kede agogong. Ido kanen kolimunete kesi ebe, "Loelosi ayaun aisiraret akuare na nges..." Eyuunit eong anyara nges, "Ekimat." Ido ejaanakinak kec, aiboisit naka "Reverend," erai do Ekimat." Kosodete kesi ayangaun etunganan lomojong loirionon kangina, ido ajaatar kaediope loka luisuutin loka ikaalimonokinak lumojong. Mam eong aomit arai ejai yeneanyunitor ediop. Luejasi kede kaekori loka ejibat kokau, ijeni jo, kede akola nalungur, ido kojaatar akoruo adis airimor akouke. Epolon loilwaritoi, olomuni ngesi kinga koipone kalo, ijeni jo. kosodi abwa kangina kosodi aibelokin. Ido nealimonokinata ikalimonokinak kere nuekamunitos Yesu ka epone loeraar Ngesi loepol, kede aceda, etunganan ngon lomojong abu kolem akou naka akirotoke kane ejai Yob. "Aibo kijai jo neapesikina eong apetetait naka akwap, arai neawoitor aacer nuka atupuruc nepepe kosodete odwe luka Edeke acalar kanu aiyalama?"

Ido ekesa loilwaritoi, kaoomoom eong, "Kanukinyo mam kesi ibwaikinatar ice kotoma ikesa lukatumunanak kuju ngina alimonokin?" eleleba aiboisit kere ido ingonya. Kasodi eong aoomoom, "Kanukinyo mam kesi iswamatar ngun?"

87 kanen do ekesa lomojong loilwaritoi lo, abois na alimonokin nu eswamasi kokwap kane kotoma akwap, abu ngesi kogeu alimonokin nu eswamasi kotoma akuju kangol sawa. Ee abu koyanga ngesi toma ageunet-ageunet naka apak kosodi ainyakun Ngesi kitoni Abongun Nakiareit kwap kitoni apesikinet naka etaluka. Kanukinyo, mam eong apupunitor alimonokin ka kangin kotoma aijar ka! Nepetai kosawa kangol abu Emoyo kotiro ngesi, kosomun kuju nepetai aikiar kwana kosodi aretokin akeje nepepe, abu kocaku ikekeperin kau kosodi alosit awai naka etut kangon, katemari, "Imamiatar yesi kapak nailosikina kuju ne kanu eong alimonokin." Ido ajaatar ngesi apak naepol adepar najaatar eong ne.

Aomit eong, "Arai einakini ngin etunganan loemojongit aswam kwangin, nunyoika iswamauni Ngin arai edoloki Ngin eong?" Aomit eong, "Acepak epuda eong ice Kangin." Kanukinyo, abu ngesi kolomu kinga kangina, abu itimok eong ekesa lomojong ngon. Konye, neanyouna ngesi, abu do etimok eong akaijara. Kasodi eong asesen ngesi elosi awai kanen.

88 Abu eong alot kinga akuare kangin, kasodi eong aoomoom kwana atupuruc naetupakini, mam eong acamakin idio tunganan ajenun, ingai eong kede aboisit na abunitor eong." Abu eong alot ido akuare ngin abu eong edolak ekadabada. Abu eong kalot ajoo misiri naka ekirididi, kalosi aijesar kwap agwelun emugaati loiboit. Abu eong agwel aibunget kere kec kanu aboola adiopet. Ajai adoro kwap ngina, abu eong awoku akipi. Nuda ajeni eong ebe apedorete ayangaikin apak, abu eong adum akipi kasodi aimat, kasodi alosit ainyam ekamugaati. Kasodi bobo eong abongor aomere akipi ace. Abu eong abongo misiri naka ekirididi kasodi alemun icolongo ka iare kede apesikin idabadi ka toma, kasodi aicikakini kede eicolong.

Ido, akuare ka ngin, abu eong elip ayapiaar akuare kia. Katemari eong atiar, "Ejakait, nyobo yen aloma eong toma? Mam eong anyunitor itunga lu idinikitos kalu kotoma aijaraka." Kasodi eong atiar,

"Ingarakinai eong ajenun nunyoika nu kere."

89 Ido atupuruc natupakini abu eong abongo ngina. Aponi kisukunyikin isio ainyam luka atupuruc. Naarai, mam eong kabu ainyam kede kesi, naarai amameotor eong icakan. Abu do eong abongo, atupuruc natupakin nealomara eong toma, kanukinyo, (naarai anyami eong ice komugaatin ka), kasodi eong aiboikin kwap. Kosodete kesi alosit toma amaikrofon. Ido mam eong anyunitor amaikrofon sek, ido abu eong akurianar abore ngin. Ido ajatar iusi yenekaja okuju kanen, ido ijeko. Abu ediopet kakesi isukunyu amaikrofon kwap. Kosodi ngesi atemar, "Akuar naka bian, ajai ekalimonokinan loarai atumunan ne, eBatisayot.

Kaoomoom eong, "Uh-oh, akotokin ber eong ti aiswamao.

Kosodi ngesi atemar, "Arai nges alimonokinan loadit kakere kotut. Arai ekekiror Branham. Ejai idio yen ejeni nejai ngesi? kolimok ngesi obu ne, ikoto isio ngesi ijaik aisiraret naka atupuruc;

90 Oo, ikatunga! Anapit eong isati (T-Shirt), kede edabada, ijeni ijo. Ido isio luka Baptists iyuunit ebe ibusakinit ijo konapite esuti, kanu jo alomar olutari, ijeni ijo. Abu do eong eboikin eliling ti ti. ido toma apak ngin...ajatar kesi ngin kotoma agolitomei naarai (atukonokin kec na akwap kere) itunga lueriokok mam apote toma korai kojai ngalakimak. Ajasi kesi kede eriokok ngina, ido eong arai lo ngalakimak, aroko akakola erioro, iteijo, aomit eong bala ajoko eong adepari idio tunganan kere. Otakanuni katupuruc kangin, lo eboyei kede eong arai erionon. Abu do eong eboikin kasodi asesene ngesi. Abu eong kaoomoom, "Ee, erai ngesi onac."

Kotemari ngesi atiar, "Ejai kere idio tunganan yen ejeni nejai William Branham?" Abu do eong kaluro kwap koicolongo ka koipone *kalo*. kosodi ngesi atemar, kolimo bobo nakiareit, kotema, "Ejai idio tunganan kinga" (Kiriuni imaiakrofon yenididi yenotoma) "Ejeni nejai William Branham? Kolimokisi ngesi ebe ekotoi ngesi kolutari kanu aisiraret natupuruc. Erai ngesi ekalimonokinan lobaptist loebunit kongalakimak nako Indiana."

91 abu eong apaik eboei kasodi aingop, ijeni jo. Amamei yenajeni eong, kediopone kere. Abu esapat ngol loirionon kongolia neajai eong, kotemari, ijeni ijo nejai ngesi?

Abu do eong aoomoom. Erai eong aisab arai aiswamaun icebore. Kanukangun katemari eong, idareu ber."

Ebala ngesi, eebo, ipa?

Katemari eong, "Akoto eong acedakin ijo ice bore." katemari eong, "Eong-nges eong."

Kotemari ngesi, "Ee, koloto bodo jo ngina."

kasodi eong alimuni, "Mam, mam eong apedori. Iteijo, katemari eong, "Anapit eong idabada yen tai kede iT-siat da yen." Katemari eong, "Mam ti eong kapedo alosit kuju ngina."

Kotemari je, "Mam itunga ngun epodosi eipone lo inapitor ijo. Kolot ngina."

Katemari eong ebe, "Mam, mam." kililing, mam ilimuni idiobore kwana."

Ido kobongunete bobo kesi toma amaikrofon apak edit, kobalas ebe, "Idiotunganan yenejeni nejai William Branham?"

Kotemari ngesi ebe, "Elo ejai ne! Elo ejai ne! Elo ejai ne!" Oo, ikatunga! Kasodi do eong anyoun anapit iT-siat ngin yenididi, ijeni jo.

92 Kolimuni do ngesi ebe, "Kobia kuju, Ejakait Branham, ikoto isio ijo ayangaun aisiraret." Oo, ikatunga, koingaren naka alimonokinak kangun kere, uhm, itunga ngun kere! Kasodi do eong alosit ajurutanar kuju, ijeni jo. Koreng do eong ereet, ido komwaka akaki. Kasodi eong ajurutaar kuju, kede ikadabada yen igirigira kede iT-siat, ekalimonokinan, ekalimonokinan loka Baptist ejai alosit kuju toma amaikrofon, mam anyunitor adiope kageun, itei jo.

Kasodi eong aibwo kokuju kangina, katemari eong, "Ee, mam eong ajeni nuikamunitos nu," ajai do eong amoot nulimuna ido kamarani, ijeni jo. Kasodi eongadolokin ne toma Luka 16, kasodi eong aoomoom, "Ee, kwana..." kasodi eongadolokin akou naka Akirot, "Ido ngesi aikeun akekonye kogeana, kosodi aimony." Kasodi eong adumun... kanukangun ageuni eong alimonokin, ijeni jo, kasodi eongadolokin alimonokin kasodi apupun ejok mot. Kasodi eong atemar "Ajai ekabarhan toma ogeana, kosodi ngesi aimony." akiro ngun auni nudidik, kwape ajatatar eong kede aijaanakineta nuipu kwanat kangun, "Iyunit Ijo Nu, ido "Kiner Mama Ejai Atiba," ipupunitotor yesi eong alimonokin ngun. Ido ajatar eong, "kosodi kanen omony ngesi." Kasodi eong atemar, "Emamete idwe kangina, mam cut kotoma ogeana. Komony ngesi." Katemari eong, "Emameete aturo kangina. kanen do komony ngesi. Emamei Edeke kangina. kosodi ngesi aimony. Emamei Kristo kangina. kosodi bobo ngesi aimony." Kasodi eong da aimony. Abu ice bore

koting eong. Ikatunga! Oo, ikatunga! Akaulo, neasubia eong bala abong toma aijeneka, ajai do eong abwoi kokinga. Kogeunete itunga amony kaelulu, ido eong, kija sio kapak naetegelikina.

93 Neabunio eong kinga ajai ekesa loabu kobu mamaka konapite akopira nati nako Texas, amuk nutiek, kobuni kuju, kotemari, "Arai eong Ekimat *mutan-ka-mutan*." Ekalimonokinan, enapit amuk nuka ecowboy, igoen da luka ecowboy.

Kaoomoom eong, "Ee, mam bodo ikadabadai luigirigira aroko noi."

Kosodi alimun ebe, "Akoto eong ijo abunore Texas kosodi ainakin isio da aisikwarunio."

"Uh-huh, ber eong ewadik ngun, ejakait." Kasodi eong aiwadikaikin ngun kwangin.

Kobuni bobo ekesa ece enapit idiope kaludidik, edabada loesubit bala loeboliare emopira loka golf, neaminare abolia emopira loka golf, ijeni jo, ajatatar igoen lupalei ludidik kosubitos bala ibulausin. Kotemari ngesi atiar, "Arai eong Ekimat *mutan-ka-mutan* loda koMiami. Aminakit eong..."

"Ikatunga, acepak ainap mam erai nuepolok nuka ngun." Abu eong asesen ngun, kasodi eong aoomoom, "Ejok."

94 Kanukangun akopokin eong iboro lu, kasodi eong alosit ore. Kiriamunosi aberu kede eong, kotemari ya ebe, "Kanukinyo iyamar ijo noi, Billy?"

Katemari eong, "Oo, Eriamun eong kede ibore ilopet. Ikatunga, erai yenejok kakere yenianyunitor ijo. Itunga lu mam ileici irumitosi kanuka ekecediini." Ido, oo, abu eong alimok ngesi akiro kere nuikamanara kangun. Kasodi eong alimuni ebe, "Ido kongolia bere ijo, naminat, erikot loka anyaranareta. Itunga Ngun!"

Kotemari ya atiar, "Mam kes eraasi ebelebelok lualaunak, kesi eraas?"

Katemari eong atiar, "Mam eong ajeni eraasi kesi ebelebelok luepone kani, konye ajaatar kesi ibore yenepuda eong." kiany? Katemari eong, "Ngin-erai ngin idiope ibore yenajeni eong." Katemari eong, "Aanyunit eong epolon, loka ikaru akisakanyangon luamojong, edisiar bobo." Katemari eong, "Mam eong apupunitor alimonokin kwanat kangin kotoma aijaraka. Kanukinyo, mam eong anyunitor alimonokinan loka Baptist elimonokini kwangin." Katemari eong, "Elimonokinate kesi kitoni eyengane adaun, kosodete akudokin ekecekungin cut kitoni kwap, aikeun kuju, aikamun ekeceyengane. Ipedori jo apupun kes itogoi iarei awai, eringa elimonokinate." Kasodi eong atemar, Mam eong apupunitor ngun kotoma aijaraka." Kasodi eong atemar, "Ineras kesi kede angajep namam ejenas, ido ediopet je ijuluni nuineras kesi. Mam eong apupunitor ngun kotoma aijaraka!" Katemari eong, "Ijo iupakinos kede eong?"

Kotemari ngesi ebe, "Lominat, neidukokinor oni, abu eong acam aimorikikin nepepe kede jo kitoni atwanare ngesi kitiaki oni." Kotemari ya ebe, "Alosi eong." Kotemari ya atiar, "Kwana, ilosi oni alimokin iuriak."

Kasodi eong atemar ebe, "Ee, kolimok ijo toto nakon kasodi eong da alimokin toto naka."

Kanukangun oni...Kalosi eong kasodi alimokin Toto.

Kotemari Toto ebe, "Ee, Ejok, Billy. Nupe enyaraikinit jo Ejakait aswam, kolot kiswama ngun."

95 Ido kanukangun abu Amucalat Brumbach konyara eong alosit mamake. Kalosi eong mamake. Kotemari ngesi atiar, "Inyobo yen inera jo nuke?"

Abongokini eong ebe, "Oo, Amucalat Brumbach," Abala eong, "mam yes kere ianyunitotor itunga kwangun."

Kotemari ngesi atiar, "Ililing! Ililing!"

Kasodi eong atemar, "Eebo, toto." Katemari eong, "Kitimo eong."

Kosodi ngesi atemar, "Ijo ijeni ebe eraasi ngun aibunget naka ibelebelok lualaunak?"

Katemari eong ebe, "Mam, toto, mam eong ajeni ngun." Katemari eong ebe, "Kes-nabeit eraasi kesi itunga luajokak."

Kotemari ngesi atiar, "Aomisoit ngipengin! Iomit ijo ipedori jo airiar akooka kinga akidingot naka iboro kwanat kangun!" Kotemari, "Abanganut! Mam ngun eraasi ibore konye agasia nacakasi ikanisan ice kinga." Kotemari ya ebe, "Abeit! Mam cut ijo iyauni akooka kinga koipone kangon."

Kasodi eong atemar ebe, "Konye, ijeni ijo, Amucalat Brumbach, cut kotoma etauka apupi eong ebe ekot Ejakait eong aupakin kede itunga ngun."

Kotemari ngesi eong ebe, "Obongo jo toma okanisakon kitoni kes apedor adumakin jo etogo, kosodi

do jo aswam bala etunganan loejasi kede aijen." Kotemari, "Mam ijo iyangari akooka kinga aitorio nen."

Katemari eong atiar, "Eebo, toto." Ebelokin eong kasodi alomar kinga.

96 Kosodi Hope ageun aimony. Kolomuni ngesi da kinga, kotemari ya ebe "Billy, mam ace nuebala Toto, Alosi eong asalakin kede jo." Isirereng eketau!

Kasodi eong atemar, "Oo, mam ngun ace, naminat."

Kasodi eong apalun ngun atubor. Mam ngesi apedori acamakin akooke aupakin kede itunga kwanat kangun naarai "Mam eraasi ibore konye agasia." Ido kanukangun abu eong acamak ngun atubor. Arai aibucaret narono kakere naeswamator eong kotoma aijaraka, ediope kalu eroko kakere.

97 Akaulo naka apak naedit, akaul naikar idis, kopote idwe. Ido adiope paaran irai isio...Kobuni akalele, kokaru 1937. Kobuni akalele. Ajai eong toma aimaniman kapak kangin ido ajai eong atamit edio pone kere aingarakin alemun itunga kotoma akalele, ibironoros itogoi. Ido kojai akaberu edeka noi, ido ajai ngesi cut, cut edeka kede eniumoniya. Ido aponi kolemunai ngesi kinga...Adekis naduc alosenenete isio eleleba noi mam isio ipedori aibwaikin nges toma nen, kanukangun alemunete isio nges kinga toma adekis napugan neajai aibosit kokinga kangina. Ido kanen do konyararete kesi eong da. Ido eong duc eboenenei kotoma ocilet, ido arai eong etunganan loka ataker, aso ajai eong atamit alemun itunga, ayuun kesi kotoma akalele. Ido kanen do apedori eong...ediope...

98 Apotu kesi anyarasi eong, kobalasi ebe, "Ejai etogo laije toma orot loka Chestnut, erai loeyapie alumor. Ejai toto kede aibunget naka idwe toma nen, kobalasi, "Arai iomit ijo atakerikon, atakerikon edpedori adolere toma nejaasi kesi."

Katemari eong atiar, "Ee, alozi eong aswam kere nuapedori eong."

Ido eong, atikor akailan ngun. Abu neitikitikere aki pi kobwanga kokuju kangina, ido, oo, ikatunga, ailotari eibuga kere. Abu eong katam aibwaikin agogong kere napedori eong, ido kawasia aitor kiding naka itogoi ka toma aibosiso ace. Ido adoli eong ayapikin neajai apama namojong, kojaasi akip ebukosi kotoma. Kasodi eong apupun icetunganan iluluei, ido eong aanyun toto ebwoi kokinga kotoma obalasa. Kojaasi do akailan ngun ibukasi kwangin. Ee, enyikokini eong alosit laije owai *lo* nelwana kwape apedoria eong, ido aikwangular kasodi abongun ka adolere owai je. Abu eong etwobou akataker kotoma apak kanu awenikin toma opir, loka ebalasa, kosiep loka ekek. Kasodi eong akerit toma ido akopun toto kasodi alemun nges kotoma kanen, kede ikedwe iarei karai iuni. Kasodi eong alemar iboro kotoma atakerika ido aibwaikin nges toma... abongun. Alomun kinga ajesun kwap, ido ayangaar ngesi laije toma ariri naka ecilet, nepetai amairo kede atutubet atubor koibuga, kitoni eong adolio ngesi ariri naka ecilet. Ido kanen do neadolio eong ngina, iilero ya. Ido kogeunite ngesi... kojai ngesi aimony, "Ika koku! Ika koku!"

99 Ee, aomit eong ebe abala ngesi ebe ajalakinit ngesi ikoku kotoma togo. Oo, ikatunga! Abu bobo eong abongo nape etamito kesi aidar ngesi. Ido, abu eong ajen, arai...arai akoto ngesi ajenun neajai ikokuke. Ajai ikesa yenadit nepetai ikar iuni lukapolou, ido aomit eong ebe eomit ya ikoku yenenaki arai icebore.

Ido kanukangun abu eong abongo bobo paka ngina. Neadokikina eong ataker kasodi alomar toma ido mam eong abu apedo adumun ikoku, kotiaar ebalasa kolumori etogo. Kasodi eong ekerit aruruk ido aikamun itutubet yenedari akataker ikalelo, kasodi eong adokar atakeri, kasodi airiun ngin ido alacakin nges.

100 Kosodi do alele ayangari eong kitoni otau loka angolol. Ido arai do osawan ikany kede atutubet luka akuare, ido kopuriei kojai akako. Kasodi eong arwetun auno naisinepunere ataker, ido aitam aisinepun ataker, ido mam obu kocamu ainepun, kasodi bobo eong aitama, mam bobo abu kocamu ainepun, ido katami bobo eong. Ikuni Alomar toma angolo, narai akusi eong akalele. Ajai do eong atamanari kagogong cut, kasodi eong aoomoom ebe, "Oo, ikatunga, ne-nges ekanange! nesi do ne!" Ngesi cut *lo*! Ido atamanari eong kagogong noi. Kasodi eong atemar ebe, "Ejakait, okwe siri kicamat eong atwanare naka eipone kalo," kasodi eong airiun, ido airiun.

Ido kobuni bobo mamaka ebe, "Dobodo aibunget ngin naka agasia namam ijo ikoto alosit toma?" Kiany? Uh-huh.

101 Kasodi eong ainyakakin akakan atakeri, ido katemari eong ebe, "Edeke, kitimo eong. Mam iinakin eong ajalakin akaberu kede ikakoku kopone kalo, ido kojaas kinga ngina edekasi! Okwe!" Kasodi eong anyikokin airiun kwangin, ido komam inepuni. Ido apedori eong aipup airurum kokwap kangina, naarai eong...bon idakikan idis, ido, oo, ikatunga, ikoni nen, kasodi eong atemar atiar, "Ejakait, karai kitim Ijo eong, esumunikini eong Ijo abuni eong aswam idio bore." akuko do eong kataker kanen, ido apuri naka aki pi erapit ereet ka. katemari eong, "Abuni eong aswam idio bore kere yeni ikoto Ijo eong aswam. Kasodi bobo eong airiun, kosodi do ainepun. Kasodi do eong alacakin akim kere kwape apedoria eong, ido kawasia adoli eong odoket.

Abongori konyet do eong adumun emotoka, emotoka loimanimani. Kasodi eong aoomoom nuka... ajasi ice kakesi luabalasi ebe, "Kotema, abu apugan kilota." Akaberu kede ikakoku kotoma kangina, idwe kere iarei.

102 Abu do eong atereikinos ka apugan kagogong kwape apedoria eong, ido ikeuna akipi nepetai ipuutin itomon akany kaidules airimor kere. Ido ajai emajor nen, kasodi eong atemar, "Major, inyobo kobu kotakanik adekis?"

Kotemari, "Kwana, siri ikurianar. Ejai jo idiotungananan toma ngina?"

"Katemari eong ebe, "Eebo, aberu naedeka ka idwe iarei."

Kotemari ngesi, "Apotu kesi kere kolomutu kinga." Kotemari, "Ejaasi toma omotoka loimugug abear ari nako Charles town."

Abu eong aker, kasodi Alomar ataker ka...arai toma omotoka ka, kede akataker kokauke, kasodi akerit kinga ngina toma...Ido kanen do apotu apulejun ijesunos kwap aarei katutubet arai amairon auni kalalau. Ido akuar kere abu eong atamite...Apotu icekakesi kobalas ebe, "Emotoka loimugug, ilotaritos akip korot kokinga kangina kotoma opirin luka edaraca."

Ee, idumunete eong agoloro toma okido yenididi, aiboi kanen adaun aparasia auni. Abu do eong adum apak naedolit aoomoom arai Ngun arasas agasia arai mam. Aineranakin ebe, "Aibodo ejai akaberu?"

103 Kawasia neadumunia eong ngesi, etuborosi aparasia adis alom eong kinga kasodi eong atubori juwai, ajai do nges toma Columbus, Idiana, toma Baptist Auditorium neadukitai bala adekis, agolaik nuka lukadekak kotoma otadan luka apugan. Kasodi eong akerit mamake kede agogong kwape apedoria, aitam amoun neajai ngesi, eworoi ebe, "Hope! Hope! Hope!" Kasodi do eong aanyun, ido kojai ngesi eperi koitada, ido kodaute eluera alomar toma.

Ikeuni ngesi ikekan yenido arai akojo, kosodi atemar, "Billy."

Kasodi do eong akerit mamake, kasodi atemar, "Hope, naminat."

Kotemari ngesi ebe, "Mam eong ebus, mam do eong?"

Katemari eong be, "Mam, naminat, ijai ijo ejok."

104 Kanu nepetai ilapio ikanyakape apotu isio keswamata kede idiobore kere yenikijaatar isio, aitam ayuun akeijar, konye abu ejautene inyikok amunaar ka amunaar

Adiope paaran ajai eong emanimani ido agwetakite eong eredioka, kasodi eong aoomoom ebe apupunit eong kesi ebalasi ebe, orama esimu koredio, kotemari ebe, "Naarai William Branham, ekotoi kotoma adekis katipet, ejai aberu atwanare." Abu eong esunyak alosit adekis katipet kwape apedoria eong, ido agwetakin akim narengan ka asairen, kasodi anyoun. Ido kanen doadol eong toma adekis kasodi eong abwoun, akeriari toma. Alomar aijesari toma adekis, aanyuni eong epaperoka loimina ailok agaria kede eong nepepe, ilosenenei nepepe kwape isap, Sam Adair.

Emuron Sam Adair, arai ngesi loenera aitapoet eyapiei apak kasodi eong alimokin nuikamunitos adekis (clinic). Kosodi ngesi atemar ebe, arai ebuonokin icetungananan aitapoet, iworok ngesi, ikoto jo ajenun nuke, arai erai ngin abeit arai mam.

105 Kosodi kanen do kolomuni ngesi kinga kwangin, ido kotingite ngesi akekopira. Kongoliari ngesi eong kosodi ageun aimony. Ido eong akerit mamake, kasodi aitun nges. Kocakuni ngesi da akekanin aitun eong, kotemari, "Billy, ejai ya alosit." Kotemari ngesi atiar, "Kitimo i eong. Atam eong nuapedori eong aswam kere, ajaunosi eong kede ipiriotin ka nginibore kere."

Katemari eong atiar, "Sam, nabeit mam ngesi elosi!"

Kotemari, Eebo, ejai ya alosit." kosodi ngesi atemar, "Mam ilosi toma ngina, Bill."

Kasodi eong atemar, "Ejai eong alomar toma, Sam."

Kosodi ngesi atemar atiar, "Mam iswamauni ngun. Mam, okwe mam."

Katemari eong ebe, "Kocamak eong aloma toma."

Kotemari ebe, "Alosi eong kede jo."

Katemari eong ebe, "Mam, kopaik jo kinga ne. Akoto eong ajaun kede ngesi kodakikan ke lukawasia."

Kotemari, "Iiloro ya."

106 Alomari eong toma agola. Ido kojai anaasit iboei kanen, ido komonyi ya naarai ngesi kede Hope

asiomete nepepe. Abu eong ereik, kogeun ngesi aimony, ikeuni akekan kuju. Kosodi ageun abunore.

Abu eongadolok kasodi aijangun ngesi, kojai do ngesi nen, abu kosenya noi anyoun nepetai ilatirin akwatat kakaisaarei, kitoni nepetai akaisakanyape. Kasodi eong aijangun ngesi. Ido arai kajar eong arau ikaru akwatat, mam cut emurokinete eong nuapotu kiswamaunos. Abu ibelokin kede akekonyen ngun nuapolok nualaete kongoliari eong. Kosodi aimuriemuriar. Ido alimun ebe, "Kanukinyo inyarauna jo eong bopo, Billy?"

Katemari eong, "Naminat, Abu eong adum nulimuna."

107 Ajai eong aswam. Apol oni ebaaja ido akwat nuka dolas nuka apesenin nuka amukian, komamei da ibore yenabeitor atacia. Ido ajai eong aswam. Ido awanyanari eong ngesi irwan arai irwanauni apaaran, kangin kuare, ido kanen do neajaar ngesi toma ojautene ngon.

Katemari eong ebe, "Inyo ibala jo, 'Anyaraar' ijo 'bopo'?

kotemari ngesi ebe, "Bill, ilimonokitor ijo nuikamunitos Ngun, ineritor ijo nuikamunitos Ngun, konye emamei ijo aomisioit ibore yenerai Ngin."

Katemari eong ebe, "Inyobo inera jo?"

Kotemari ngesi ebe, "Akuj." kotemari ya ebe, "Koany," ebala ngesi, "Ajai eong enyamitai alosit Ore itunga ice, ikiliok arai angor arai icebore. Anapitosi luakwangak." Kosodi ngesi atemar ebe, "Ajai eong elajaara ido kenapakina." Kotemari, "Ikweny luepolok kibusiak eporete anyoun kokitoi kitoni okitoi." Kotemari ngesi, "Mam iomit ebe emunaara eong akou." Ebala ngesi ebe, "Billy, alosi eong alimokin ijo aibucaretewok." Kotemari ya atiar, "Iboikin." Mam eong abu keboikin; akukokin eong kwap, etingi eong akekan. Kotemari ngesi, "Ijeni ijo nejai aibucaretewok?" Abongokin eong ebe, "Eebo, naminat, Ajeni eong."

Kotemari ngesi ebe, "Mam oni kipupokinit Toto cut. adolitos itunga ngun."

Kasodi eong atemar, "Ajeni eong ngun."

Kotemari ya atiar, "Kisumunik eong nu, ebe ibuni jo alosit nejaasi itunga ngun," kotemari, "naarai edolitos kesi." Kosodi ngesi atemar atiar, "Itopolou ikadwe koipone kangon. Kotemari ya, "Akoto eong alimokin jo icebore." Kotemari ya, "Ajai eong atwanare, konye" ebala "era..Mam eong-Mam eong akuriana alosit." Ebala, "Erai-erai ibore yenibus. Kotemari ya ebe, "Ibore idiope, mam eong akoto ajalakin ijo, Bill. Ido ajeni eong ebe ejaa si jo idwe iarei ludidik kanu aitopoloun." Kotemari ya atiar, "Kisumunik eong ebe-ebe mam ijo ibuni asalakin aiboibon ido ajalakin ikadwe eraasi luiriitai lailo ka laije." Arai ngin ibore yenacowa kanu atoto naka ikaru akaisarei kede idiope nuapolou.

Kasodi eong atemar, "Mam eong apedori aisumun ngun, Hope."

Kotemari ya ebe, "Okwe isumunik eong," Kotemari, "Idiope ibore akoto eong alimokin ijo." kotemari, "Iitunit ijo emudu?" Ebilerikit eong kede nuikamunitos imudun. Kosodi ngesi atemar, "Ikoto jo agwela emudu ngon noi apaaran ngin konye amamete ijo isirigin luadolitos aitac aliboni.

Katemari eong be, "Eebo."

Kotemari ya atiar, "Ajai lem eong aimono ikasirigin, Ikanusio nuaboolai akany, kanu aitam aitac aliboni ngin naka emudu kangol kanukon." Kotemari ya atiar, "Kwana, nedauotor nu kosodi jo abongor ore, Ireik kuju naetada loidolanakin, kwap naka apapula na ejai kuju, ido idumuni ijo isirigin ngun kanen." Kotemari ya ebe, "Kisumunik eong ebe igweli ijo emudu ngon."

Mam ijo ijeni eipone loabu eong apupuno neanyuna eong edola ngon ka aboolai akaisakanyarei kalukany (Korai inusio nuabolai akany) epesikina ngina. Adumuni eong emuudu.

108 Kosodi ngesi atemar, "Iitunit ijo neabu ijo kolosia otauni agwelakin eong asokosin, ido ijai oni alosit Fort Wayne?"

Katemari eong, "Eebo."

Arai eong abongun ngipengin kotoma ailok agaria, ido kotemari ngesi ebe... abeit oni alosit Fort Wayne, ajai eong alimonokin akuare kangin. kosodi ngesi atemar atiar, "Ijeni ijo, alimokit eong ijo, 'Ejasi iponesio iare.'" Ediopet enyaritai "chiffon." ido ani loce je, "rayon? Erai ngin abeit? Rayon kede chiffon. Ee, lope erai ngesi, chiffon ngesi ajok kakere. Erai ngin abeit? Abu ngesi kotema, "Kwana, ogwelak eong chiffon, esitailo loileleba, ijeni ijo ibore yen ejai kau naka asokosin, kokuju? Ido eong olopet mam ajeni idiobore yenikamunit asokosin nuka angor kanukangun abu do eong....

ajai do eong alosit kogudo abala ebe "chiffon, chiffon, chiffon, chiffon." atamit ebe aitunit, "chiffon, chiffon, chiffon."

Kolimuni icetunganan ebe, "Biaibo jo, Billy!"

katemari eong, "Oo, biaibo jo, biaibo jo." "Chiffon, chiffon, chiffon, chiffon, chiffon."

Ido adoli do eong okona kasodi ariamun kede Ejakait Spon.

Kotemari ngesi "Hey, Billy, ijeni ijo elilim aibosit naiyengunenere kwana Kangina osiep loka ekido lokawasia?"

Katemari eong, "Nabeit cut, ngun eraas abeit?"

"Eebo."

Aomit eong kwana, neajalakina eong nges, "Arai bo inyo ibore ngin?" Abu kemurok eong.

Kanukangun Thelma Ford, apese najeni eong, eswamai ositowa loka aboolai-atomon. Ido ajeni eong ebe agwelanarete kesi asokosin nuka angor kangina, kanukangun abu eong kalot ngina. Katemari eong atiar, "Yoga, Thelma."

Kosodi ya atemar atiar, "Yoga, Billy. Biaibo jo? Biabo Hope?"

109 Katemari eong ebe, "Etamit." Atemari eong ebe, "Thelma, akoto eong asokosin kanuka Hope."

Kotemari ngesi ebe, "Mam Hope ekoto asokosin."

Katemari eong ebe, "Eebo, toto, nabeit ekoto ya."

Kotemari, "Ibala ijo asokosin nuangor nuewojak?

"Oo, cut," Katemari eong, "kesi ngun." kaoomoom eong, "Uh-oo, adau eong aitodun amamus aijeneka."

Kosodi ya atemar, "Nuepone kani ekoto ngesi?"

Aoomoom eong, "Uh-oo!" katemari eong, "Nuepone kani ijaatar ijo.

Kotemari ya atiar, "Ee, ijaatar isio kede rayon."

110 Mam eong olopet ajeni atiaketa. Rayon, chiffon, kere asubito bala aputosi. Katemari eong ebe, "Ngun kesi nuakoto eong." Katemari eong, "Koinakinai epeya ediope kakesi, kaileleba." Kosodi ya...Mam eong adumunit ngun ejok. Inyobo? Anapito kaileleba. "Anapito kaileleba." Ido kanukangun katemari eong, "Kolemic eong epeya ediope kakesi."

Ido nealosia ngesi alemikin eong kes, adumun ebe ajaasi bon nepetai aboolai akaisauni, aboolai akaisarei arai aboolai akaisauni, nepetai atubet naetiai. Ee, katemari eong, "Koinak eong ipeyai iarei kec." kiany?

111 Kasodi eong abongor ore, ido eong atemar ebe, "Ijeni jo, naminat, yes angor igwelete iboro airimor etaun kere kanu adumun etiai loejokuna." Ijeni jo eipone loiminari ijo apogakin. Kasodi eong atemar, "Konye ne, kongolia ne, agwel eong ipeyai iarei kotoma otiai loti kigwelia ijo epeya ediope, kiany?" Katemari eong, "Oo, Erai ngin akagogong elope." kiany, Katemari eong, "Ijeni jo, Thelma nges etwegelikini eong nu." Katemari eong, "Ti acepak edpedo acamakin eong agwela kes ka atutubet naka etiai.

Kotemari ya ebe, "Kobu ijo kodum chiffon?"

Katemari eong be, "Eebo toto." Kaneka aputosi kere, mam eong ajeni ebe ejai adiotiaketa.

112 Kosodi ya alimokin eong, ebala ebe, "Billy." Aoomoom eong koipone loitegelikina naidolio Fort Wayne, naarai arai bobo nges agwelun epeya ece loka asokosin. Kotemari ya ebe, "Ainak eong kwa toto nakon," ebala, "naarai araasi nuamakio."

Kotemari, "Kitimoj kanu aswam ngun."

Kasodi eong atemar, "Oo, mam ace, naminat."

Kosodi ya atemar, "Kwana, mam-mam isali aiboi bon." Ido ya atemar...Mam nges ajeni ebe nunyoika abeit asomaun kosawan idis ameun kanen. Kasodi eong aiting akaninike nuamina eong noi kwape kajaar Emalaika aiyamiyamar nges awai.

113 Abongori eong ore. Mam eong ajeni nuiwama. Abu eong aper kangina kuare kasodi eong apupun...Aomit eong arai imir yenididi, ajai toma kreta namojong neibwaikit isio apapulai ace toma ngina. Kasodi eong agolokin ekek kede akejuka, kojai do ekege ikaja kokau, (ido koperi do kokwap angina kotoma omocari). Ido bon kotoma apak naedit kanyarari eong icetunganan, kobala ebe, "Billy!" Ido arai Onac Frank Broy. Ebala ebe, "Ejai ikonikoku atwanare."

Katemari eong ebe, "Ikakoku?"

Kotemari, "Eeba, Sharon Rose." Ebala, "Emuron ejai ngina kwapekwana, kosodi atemar, 'Ejaatar yi eluera, enakunit kanejai toteke.'"

Kosodi atemar, "Ejai yi atwanare."

114 Adokini eong omotoka, kalosi kuju ngina. Kojai do yi nen, ibore yenididi yenejijim. Kokeriarere yi adekis.

Kalosi eong aanyun nges. Kobuni do Sam kosodi atemar ebe, "Billy, Siri jo kiloma agola ngin, ekot ijo aoomoom nuka Billy Paul." kotemari, "Ejai yi atwanare."

Katemari eong, "Emuron, Ejai eong aanyun ikakoku."

Kotemari ngesi, "Mam, mam ijo ipedori alomar toma." Kotemari, "Ejaatar yi adek naka eteregege, Billy, ido ibuni jo aikopakin Billy Paul."

115 Abu do eong edar kitoni nealomuna ngesi kinga. Mam eong apedor atitingikin aite ngesi etwani, ido totoke da eperi angina komocare. Alimokini eong jo, etiono erot ekadiakanaran. Kasodi eong alosit, Abu eong aloma aitor okek, nepe elomari Sam kede anaasit kinga, abu eong edadar agoola nokwap naka etogo. Arai adekis napa adit mot. Ajai ngesi aboisit na agitaritai, kojaso do icucu akonye ke nudidika. Kojatatar kesi ibore bala "aitiba naka isiru," arai ineeti akonye ke. Kojai ngesi toma apipilu, kojatatar kede ariengunun namorito akulepek bon, ikeunenei do ngesi ikekeje luatumitos, kuju kede kwap kwangin, ido ikekanin da, kede ariengunun namorito akulupek bon. Abu eong asesen ngesi, apol nedolit aibuses, ido arai ngesi nepetai ilapio ikanyauni.

116 Amina totoke abwaikin ngesi kinga kede imotoka yen akeje auni, ijeni jo, kotoma alaro, ido neabunia eong. Akutakini eong angobe, ogeuni ngesi "goo-goo-goo-goo." okoto abunore neajai eong, ijeni ijo.

Kanen operi yeniminat ka, elosi etwanare. Abu eong angolia ngesi, katemari eong ebe, "Naminat, ijeni ijo papa? Ijeni ijo papa, Naminat?" Ido neangoliara...Ajai ngesi toma apipilu naepol kitoni akekongu adiopet ailokonyikin. Akoto bala ti aicilun ekatau alemar awai kaneka.

Abu eong akukokin kwap kasodi eong atemar ebe, "Ejakait, nunyoika eswamat eong? Eong mam alimonokit ejiri kitoni okoonai luka orotin? Eswama eong ngin bore kere yen ajeni eong aswam. Siri imarak eong akiro nu. Mam eong abu anyara itunga ngun ebe 'agasiai.' arai ngesi anyarit itunga ngun agasia.'" katemari eong "Kitimoi narai adaut aiswauna. Itim eong. Mam-mam iyangari ikakoku." ido napelipi eong, abu kotakan bala aisuka arai egae loirionon ijesun kwap. Abu eong ajenu ebe anger Ngesi eong.

117 Kwana, ngin nges apak nationo kakere kotoma aijara ka. Neabu eong ekeunor anyun ngesi, kasodi eong aoomoom...abu satan ibwaik toma aomisio ka, "Ee, akepolou alimonokin kon ngin kere naegogong ka eipone loijaritor ijo, ido kwana nedolokina nejai ikonikoku obe, kongeri Ngesi nukon?"

kasodi eong alimun ebe, "Erai ngin abeit. Arai mam Nges itajari ikakoku, apolouke eong da mam..." kabwouni eong. Mam do eong ajeni niuswama. Ido kanen do alimuni eong nu, katemari eong, "Ejakait, abu Jo koinak nges neajai eong ido Jo inyaka ngesi, isirerengitete ekiror loka Ejakait! Karaida iyanga Jo eong, asali eong amina Jo."

Kasodi eong aidokokin akakan mamake, kasodi alimun ebe, "Kisirereng jo, naminat. Akoto papa aitopoloun ijo, kede etauka kere akoto eong aitopoloun ijo, ido aitopoloun ijo amina Ejakait. Konye eponitos Imalaikan ayangaar ijo, naminat. Ebuni do papa ayanggar ikonikuan aiperikin akanin nuka Toto. Abuni eong aida jo kede nges. Adiope paaran ebuni Papa airiamun kede jo, idareu ijo kokuju angina kede Toto."

118 Neajaar totoke atwanare, abu ngesi kotema, akiro ke nukawasia abu kotema, kotemari ngesi, "Billy, kosalak toma aswam."

Katemari eong, "Abuni eong..." kotemari ngesi...katemari eong, "Arai ajai eong aswam nebunio Ngesi, alemuni eong idwe keriamunos. Konye arai mam eong, idaikino eong da osiepikon. Ido kolot ijo owai lokoteten loka erute kangon loepol, ido neiyanyunia ijo kesi kere elomunete toma, kobwo kangina kosodi aiworo ebe, 'Bill! Bill! Bill!' aiworo noi kwape ipedora ijo. Eriamunos eong kede ijo kangina." Kanui eong nges yoga do. Ajai eong alaro naka ejie lolo. Erai nepetai ikaru akaisarei kau. Ajatatar eong acamanara kede akaberu, aloi eong airiamun ka nges.

119 Ido eong ayangaar ikakoku yenididi, neadauna atwanare, kasodi aiperikin akanin nuka totoke, kasodete isio ayangaar toma oliibo. Kasodi eong aibwo kangina aipup Onac Smith, ekalimonokinan loka Methodist loalimonokini kotoma aida/aronis, "Okuron toma okuron, kede apua toma apua." (Kasodi eong aoomoom, "Otau toma otau.") koipone ngon kolosi ngesi.

Mam apak edauna akaul kangun, ayangaari eong Billy yenididi ngina atupuruc adiope. Arai ngesi ikesa yenadit noi.

Ngin ngesi einakit nges iminaikina mamaka ido eminaikina eong da mamake, ajai eong arau Toto ka Papa (kere) mamake. Arai eong aiting icupake yenididi. Mam isio ipedori ajaut kede akim kuare kanu aidaria akileke emwaka, konye arai do eong aibwaikit kes kwap naka opuraka tetere aitwamana ka amwanisi naka akuan.

Iminaikin isio nepepe bala ipapero, ido adiope kaparasia kanu nealosia eong anyoun alimonokin akoto eong aitingikin ngesi Akirot, kasodi atemar, "Kolot ngaren, Billy. Kosalak kede Ngin." Icetunga eumokitos ibore yeniupar eong kede ngesi isawana kere. Mam eong apedori ajalakin ngesi. Edukokina ber da, konye eroko eong eitunit abu ngesi kalimok eong ebe, "Kosalak ka ngesi." Ido iminaikin isio nepepe bala ipapero.

120 Eitunit eong nelator kotaun, kojai acupa akirididi ka, nepegeuna ngesi aimony. Adiope kuare ajai ngesi...ijai isio ilosi kokringa agule naka etogo (nepe eyapiei ya adumun nges, korai naidelia, ido eong...arai apese, ijeni do ijo) ido apedori eong alosit kau ka ngaren kanejai ekitoi loabaoi. Kojai do ngesi emonyi totoke, komamei do eong toto adio nayangara ngesi. Arai do eong adakit ngesi, katemari, "Oo, lominat."

Kotemari ngesi "Papa, aibo ejai toto naka? Abu ijo kidaik ngesi kwap?"

Katemari eong, "Mam, lominat. Ejai ngesi ejok, ejai ngesi kuju toma Akuj."

121 kolimuni ngesi ice bore kanen, yeri akoto aiyara eong, ajotet adiopet. Ajai ngesi emonyi, arai do nepetai ebongo cut, ajai do eong anapakin ngesi opura *kwanagin*. ariongakin ngesi okeper ka ido aibapibap nges moti mot *kwanata*. Kosodi ngesi atemar ebe, "Papa, kolot olem Toto kosodi ayaun ngesi ne."

Kasodi eong atemar ebe, "Lominat, mam eong apedori alemun Toto. Yesu..."

Kotemari, "Ee, kolimok Yesu kijukak eong totoka. Akoto eong ngesi."

Kasodi eong alimokin ngesi ebe, "Ee, lominat, eong kede ijo ilosi anyun ngesi ace pak."

Kosodi ngesi abwoun, kotemari, "Papa!"

Kasodi eong atemar ebe, "Eebo?"

Kotemari ebe, "Aanyu eong Toto kokuju angina kotoma odou ngon."

Ikatunga, asubit bala akoto aiyar eong! Aomoom eong, "Ikatunga! 'Aanyu eong Toto kokuju angina kotoma odou ngon.'" Abu eong ebucailor. Abu eong atun ikesa yenididi kitoni atorobuka *kwanata*, kasodi aitulur akakou kwap, kalomari toma.

122 Kotuboros aparasia. Mam eong apatana aimurokin ngun. Atam eong aswam. Mam eong apedori abongor ore, mam bobo arai ere cut. Ido akoto eong aiboi. Amamei isio idiobore konye icolongo lumojong luacilicila, konye arai ibore yenenumunumi ya ka eong nepepe. Arai ore.

Ido eitunit eong adiope paaran ajai eong atamit aswam na aijanakin itunga (public service). Abu eong alosite ainyakakin esinia akim arai tupuruc sek. Kasodi do eong adokari kuju omusalaba. (ido mam eong apedor ajalakin ikoku yen. Etei eong akaberu elosi, konye ikoku ngin alosit, ibore ngin yenididi.) Ido ajai eong kuju ngina, ido ajai awoere, "Kotoma oukot lo elwana, ebwoi Emusalaba lomojong." Kojaasi iwayai luapolok luelosete toma otransfoma kosodete anyoun kinga toma (jeni ijo) luekorete itogoi. Ajai do eong ekaja kokuju kangina kotomake. Kasodi do eong asesen, kojai akolong elomuni kokauka. Ido kanen, korioro akakanin kwape aanyunet naka emusalaba kangon kotoma osiep loka eukot. Abu eong kaoomoom, "Eebo, arai adikanaretaka nges ekajakinete Nges ngina."

123 Abu eong alimu ebe Sharon, naminat, ekoto papa abunore anyun ijo noi, naminat. Eipone lo akotor ti eong aidak ijo kotoma akanin bobo, ijo ibore yeniminat yenididi." Mam do eong aomisio atenitos. Adauna isabitin. Kalacari eong agilabs numopiran. Kojai agogong naka akim narai ilukumin iarei kede akwatauni, (2300 voltage) ekeri cut kotoma osiepika. Kalacari eong agilabs numopiran awai. Katemari eong atiar, "Edeke, mam eong akoto aswam nu. Naarai arai eong ekurieu." "Konye, naminat, ebunit papa anyun ijo kede toto kotoma odakikan adis." Ageun eong alacar aglab ka, kanu aiting ngon ilukumin iarei kakwatauni. Ti kebil...kanukinyo, mam ti ijo ejaas adio aokot nuesalitos tomakon. Ido kanukangun ageuni do eong alacar aglab ngin awai, ido kiswamaun icebore. Neabunio eong toma aijeneka, ajai eboiei kokwap kede akakanin kuju *kwanata*, toma oreeteka, kamonyi. Arai asianut naka Edeke, arai mam ti mam ajatar kaijanakin naitangale kane, acamunit eong ngun. Arai Ngesi ayuarit ainakineteKe, mere eong.

124 Ageuni eong alosit ore. Ajalakini eong, ebwaikini ikaswamaeta awai. Kasodi abongor, katemari eong be, "Abongori eong ore."

Abu eong adolo togo, kasodi eong alemun ebalua kotoma togo, apupi eong bala alilimu, kasodi eong alomar toma, ijai isio kede igola idiopet yenididi, ajotoenenei eong kede itada yenididi yenibilat kangina, kojai akako abunore, ka asigiri ngin namojong. Abu eong alemu ebalua kasodi aireikin toma, ibore yenisodit okuju kanen arai imonoke yenedit kanu ebaga, aboolai akaisakanyauni, "Amucalat Sharon Rose Branham." Ajai nen, kogeun bobo ageun.

125 Arai eong edaran loka itiang. Abu eongadol ngina kasodi alemun ekamudu, imudu yeni didi (pistol) kotoma akuraru ke. Kasodi eong alimun ebe Ejakait mam bobo eong apedori alosit ngaren bobo, ajai kwana eong atwanare. Eticanun eong noi." Kalokikini eong emudu, kasodi adodikin akouka, akuko kanen kotoma otada ngon kotoma agola ngin namutono. Kasodi eong alimun ebe "Papakosi Loejai Toma Akuju, koyongitete eKonekiror. Akon Ajakanut kobi, Nuikotojo kiswamai," kasodi do eong atamakin, kasodi eong airiun agwetakinet ngin kede agogong kere kwape apedoria eong, katemari eong, "kotoma akwap kwape kejaar kotoma Akuj. Koinakinai isio lolo ikosi inyamat luka lolo." ido mam abu kocamu aduor!

Abu do eong aomom ebe, "Wu Edeke, Ijo iuta anyilinyil eong kotoma atutubena? Nunyoika bo eswamat eong? Mam ber Ijo kicamakit eong atwanare da." kasodi eong acakakin emudu kwap, kosodi aduor kotoma agola. Kasodi eong alimun ebe, "Edeke, kanukinyo mam eong atwania kasodi anyoun kotoma kangun? Mam cut eong apedori ainyikokin alosit ngaren. Ejai Jo aiswamaikin eong icebore." kasodi eong aibirokin kwap kasodi ageun aimony kotoma kayenididika, otada yenimojong yenibakat kanen.

Ido ekot eong alosite ajotoor. Mam eong ajeni ejok arai ajotoi eong arai nunyoika apotu iswamaunos.

Abu duc eong akoto ajaut too. Epuda ducu eong adiopet kakopiran kangun. Abu papaka kobilibil abalasin kotoma aparasia ke nuadisiar, ido abu eong kepuda adiopet kakesi akopiran. Ido abu onac Demos Shakarian agwelak eong adiopet bian, nasodit eong adumun (ajaunar) kwanat kangin, adiopet kakesi nuesubito nuko too.

126 Kasodi eong aoomoom bala ajai eong alosit aitorit nekoriere engano kamerica, awoi ekosio ngon, "Ejai alili na amagalit naebilil, aanyunet kotoma aibosit naipisere akituk, 'Kanu agwelar.'" Ido kwape ajaar eong alosi, anyuuni amagali namojong naburiara, bala ameeri namojong naibosit naekoriere engaano (Prairie), ido kobilil alili. Naarai, ebwoikinit ngin ekale loda atiaka. Ido kwape ayapikina eong, angoliari eong, ido ngina kobwoi naebus noi, apese naedit, nepetai ikaru akaisarei nuapolou, kokwangak itima kowojak ka akonye nubululu, konapite luakwangak. Abu eong asesen ngesi, kasodi eong atemar, biaibo jo?" Inyikokini.

Kotemari ngesi, "Yoga, Papa."

kasodi eong aibelokin, katemari eong, "Papa?" "Kanukinyo," Katemari eong, "eiponeani, Amucalat, ipedori jo...apedori eong araun papakon komojongite kwanat kaeong?" Biai arauna eong papa ariakasi oni kokaru?

Kotemari ngesi ebe, "Papa, mam ijo ijeni neijai ijo."

Kasodi eong atemar, "Nubonyoika ibala ijo?"

Kotemari ngesi ebe, "Erai ne toma Akuj." Kotemari, "Kotoma akwap arai eong ikonikoku Sharon."

"Kanukinyo," Katemari eong, "naminat irai ijo imukeru."

Kotemari ebe, "Papa, imukerun ludidik mam eraas imukerun ludidik kane, eraas lumam etwakete. Mam emojonete karaida apolo."

Kasodi eong atemar, "Ee, Sharon naminat, ijo-ibus jo, aberu naidit."

Kotemari ngesi, "Idarit ijo Toto."

Kasodi eong atemar, "Akaibo?"

Kotemari ngesi, "Kuju orekon loiteetet."

Kasodi eong atemar "Ore loitetet?" Branham's eraas ikerimok emamiatar, ireria, kes bon...kasodi eong atemar, "Ee, mam eong ajaunar kaere, naminat."

Kotemari ngesi, "Konye ejaatar ijo ediopet ne, Papa." Mam eong abala araut imukeru, konye erai cut nakabeit neka. [Komonyi Onac Branham] Kwape ageuna eong aoomoom nukangun, ebongunete ngun kere bobo. Kotemari ebe, "Ejai ijo ediopet ne, Papa." Ajeni eong ajaatar eong ediopet ngina, adiopet paaran abuni eong alosit tomake. Kotemari ngesi ebe, "Aibo ejai Billy Paul, onaceka?"

Kasodi eong atemar, "Ee, Ajalakit eong ngesi kede Amucalat Broy's, adakikan adis kokau."

Kotemari, "Ekoto Toto aanyun ijo."

127 Kasodi eong aibelokin ido asesen, ido kojaasi ireria luapolok, ido Aibuses Edeke abunore airimuut kes. Kasodi eong apupun awoere naka Imalaikan, "OreKa, Erelo ajijiman." Ageuni eong aidok kuju aitorit amandala, akeri kagogong kwape apedoria. Ido neadolio eong okek, kobwoi do ya kangina, konapite ebaputa loakwangan, itima ngun luiriokok, koojak, kodolitos opurake. Ikeuni akekanin, kwape aminar ngesi duc neabongunio eong ore apasit kotoma aswam arai icebore. Ekamuni eong akekanin, kasodi eong atemar ebe, "Naminat, aany eong Sharon kokwap kangina." Katemari eong, "Erai kwana ya apese naibus noi, mere kwangin?"

Kotemari ya, "Eebo, Bill." Kotemari ya, "Bill." Kotuni eong, (kosodi ngesi alimun) cut kotoma okeperin ka, ibapabapai ngesi eong mot mot, kobala ebe kopala aiyalongongo kanuka ka Sharon."

Katemari eong ebe, "Naminat, Emamei eipone apedoria eong ainyein aswam ngun."

Kotemari ngesi, "Kwana Sharon ka eong ijai isio ejok adepar ijo." Kasodi eong atemar, "Siri iyalongongo nuikamunitos isio bobo. Ijo kisumunikini eong?"

Kasodi eong atemar ebe, "Hope," Katemari eong, "Ajai lemu eong kasilikinit kanukon ka Sharon, kosodi emonyi Billy kangin sawa kanukon." "Mam do eong ajeni nuiswama kede ngesi."

Kosodi ngesi atemar, "Mam ace, Bill." Kotemari ngesi, "Kisumunik eong ebe mam bobo ijo ibuni aiyalongongo." Kosodi ya atemar atiar, "Ijo mam iboikin?" Kasodi eong asesen airimun ido kojai eicolong lopeti noi.

128 Eituni do eong ebe atamitor eong egwelete eicolongo. Kwana, kotoma agolokin. Adiope pak atamitor eong agwel eicolong. Kijatar isio kede lumojong luka abaoi kanu aiboa enyamia luka atupuruc. Ajai isio aitwasam kesi kwangin, kesi bon icolongo luijar isio. Ido ti isio da ipedorit agwelun ediopet koicolongo lu igangitosi ijo okau, kwapenat... emuroki eong eipone kalu iboyei ijo iyengunite. Ido etiai kec erai itomonakanyarei luka (dollars), ido ipedori ijo aitac idollars iuni (3)kede edollar ediopet kangol sabiti. Kasodete isio adumun ediope. Ido, oh, nealomunia eong..., apedori eong aswam apaaran kere, kasodi alimonokin kiton kiding kuare airimor igudoi kere neapedori eong adolore alimonokin.

Adiope paaran abu eong eyap aitac luebeitos eong. Mam isio apotu apedosi, abu koraun do apaaran akaulo napaaran, ido kawasia kadiope paaran opote kwi kosodete adakar ekaicolong kede ayangar cut. Akuar ngin, mam cut imurokin eong, abu do ngesi inomak eong emugati lo echerry. Ibore yenimojung yenilwaritoi, ajeni ngesi ebe ebuni akadakin eong. Akaulo naka ainyam luka atibong abu eong alimu ebe, naminat, "Inyobo lolo ejoko atibongo na?"

kosodi ngesi atemar ebe, "Kolim, anyaraut eong isap luoidunyet wok abokikin ijo ikuru lulokis. Mam ijo iomit ebe ekot oni alosit toma ocilet kanu aikat apak edit?"

Kasodi eong atemar, "Eebo, konye..."

129 Ogeuni ngesi aimony. Ajenuni eong ebe ekoto kojai ibore yenerono. Ajatar eong aomisiot naarai adaunitai aijukakin eong aikwenyaret ebe apote kesi ainyakari. Naarai mam isio ipedorit aitak edollar kangon sabiiti. Mam ti isio ipedo agwelun ngon cut. Abu ngesi kotun eong, kasodi eong alosit okek kodautete ayangar ekaicolongo.

Abu do ngesi kolimok eong kokuju Angina, ebala ebe, "Itunit ijo eicolong ngon, Bill?"

Kasodieong atemar, "Eebo, naminat, eitunit eong."

Kotemari, "Arai ngun iomomooi ijo, mam arai?"

"Eebo."

Kotemari, "Ee, mam kesi eyangarete lo, edaunitai aitac." Kotemari ya ebe, "Iboikin bere apak edit, akoto eong ainerakin kede ijo."

Kosodi eong atemar, "Naminat, mam eong amisikinit nu."

Kosodi ya atemar, "Kisumunik eong, Billy, ebe mam ijo ibuni aiyalongong bobo cut. Ibongori ijo kwapekwana." Kasodi eong atemar ebe, "Kisumunik eong ebe mam bobo ijo ibuni ayalongong."

Kasodi atemar ebe, "Mam eong apedori aswam ngun, Hope."

130 Ido Kaneni do abuni eong toma, amutono agola. Abu eong angolengol, kasodi eong apupun akekan irimunit eong. Katemari eong ebe, "Hope, ijai ijo ne toma agola?"

Kogeuni ya aibapibap eong mot mot. Kotemari ya ebe, "Ilosi ijo ainakin eong aisumunet ngin, Bill? Kisumunik eong ebe mam ijo ilosi aiyalongong bobo."

Katemari eong, "Esumunikini eong ijo."

Ido nedo ebapibapia ngesi eong irwana aarei arai auni, ido konyouni ya do. Asomun eong kasodi agwetakin akim, angolengol nginiboisit kere, adau ya aikar. Konye arai nges alomar kinga ngipengin. Mam ya elosit, eriko ya ejari. Arai ngesi Akristayot.

131 Abu eong kede Billy alototo ates kane apak ace kokau, kotingite iturot yenididi kanuka toteke ka inacike, kotoma atupuruc naka epasika, kasodete isio abwoun. Kogeuni ikesa yenididi aimony, kotemari ebe, "Papa, ejai totoka kwap ngina."

Katemari eong ebe, "Mam, lominat. Mam, mam ngesi ejai kwap ngina. Mam inacikon da ejai kwap ngina. Idumunit isio ates naidolaritai kane, konye aitub angolol ejai ates naepukoro neajaruna Yesu. Ido apaaran ace ebuni Ngesi, Eyangauni Ngesi inac ka toto kede Nges."

Ajai lolo eong alaro naka ejie, ipapero. Mam bobo eong apedori ainyikokin einer [komony Onac Branham] Isirereng Ejakait yes. Ketuluroto awok akwes adakika.

132 Wu Ejakait! Irwanapu, Ejakait, ajeni ebe mam itunga edeporete amisikin, neomitotor kesi ebe epote iboro lu kapatan. Konye ejai apaaran naepol naebuni nebunio Yesu ido emwataro aitururu awai. Elipi eong, Papa lokotoma Akuj, ebe ingarakin Ijo isio araut luikapakina.

Ido aisumunet ngin nakawasia, neabu eong anuia ngesi otinyoke atupuruc ngin, ebe eriamunos eong kede ngesi ngina apaaran ngin. Eyuunit eong ebe ebuni ngesi aibwo kotoma aiboisit kangin, kiworoi ekakiror. Ajar eong kwape lomunot nejai aisumunet ngin kageun, Ejakait, airimun aiboisio nuegelegela akwap kere, atamit ayangaun akiro nukajokak. Ajai kwana eong amojong, ka epasane, adaun eong agogong. Adiopet kotoma apaarasia kanu alosi eong agolokin Ebaibuli lo nakawasia. Ido, Edeke, kidar eong arai lomunot mama ejai aisumunet. Idar akon asianut irimunit eong, Ejakait. Kenyeik eong asesen iboro lukaijar kana, konye aijar kanuibore luikiara. Ingarak eong arau lomunot. Mam eong elipit aijar naepatana, Mam, Ejakait, neatwania Kristo ka kotoma ocan. Ido luce kwi kere apotu kotwaka kwangin. Mam eong elipit idiobore yenepatana. Bon oinak eong araut lomunot, Ejakait, lokabeit. Kominutu eong itunga tetere eong apedori aingarenikin kes mamaKon. Ido acepaaran nengetakinotor kere kasodete isio atukokin kwap naka ikito luipiriaikitos, akoto do eong arikun nges kede akekan kasodi aupakin kede nges, aitodikin itunga lukOyekalu loka Angelus kaice da kere. Eraun apaaran naka aumokin do.

133 Elipi eong ebe Akon aitimesia kojaunos kede ngnidiopet kasio kane. Ido ngun luejaasi ne, Ejakait, mam acepak ejenete Ijo da. Ido aticepak ejaatar ice kede ludidik luminat kec juwai naka angololol. Karai mam kesi ilelebikinito aisumunet kec, kiswamata ngin kopekwana, Ejakait.

Kwape ituluritor awok akwes, aumokin eong kotoma atukos naepol na ajotet kana, idi ice kayesi ebalasi ebe "Onac Branham, akoto eong airiamun kede luminanaka, da. Ajaatar eong ice kaluminanaka juwai naka ecilet"? Acepak abu ijo kisumunite airiamun kakes, aticepak neilimokina ijo Toto "yoga do" kokuju kangina kates apaaran ngin, aticepak nailimokina ijo inac yenididi "yoga do," araibo Papa, araibo icekakesi kotoma ates, isumunit ijo airiamun kakes, ido mam ijo iswamat aitemonokineta ngun ber. Mam kerekia ijo iomit ebe erai apak naejok aiswa ngun?

Kitimoto kanu amamus apedorit aitikokin aipup ka. Konye, oo, ikatunga, mam ijo imisikinit, opapero. Mam yes ijenete nueyangaikin! Mam ngin erai abolia, nepetai, kanuikamunitos aijar.

134 Idibo kayesi ipudasi anyoun abunore ne kanu ailipakinio, kotemasi, "Epuda eong da airiamun kede luminan ka"? Konyou akidingot naka itunga kosodi abunore kwap ne. Ijo ipedori aiswauna ngun? Arai mam ber icetunganan iswamaunitor aitemonokin ngini. Isirereng Edeke, ipa. Etei eong etunganan loirionon loepolorit ejai abunore, kaice da epote. Kobia ijo olopet, yesi luijaasi kuju obalasan, bon kopotu kiding. Arai kobwaata, Ijo yenikoto kiitun kotoma ailip kopekwana. Ngesi ngin. Konyoutu cut obwoata. Ejok ngin. Obwoata, kanginiboisit kere, yes luibalasi ebe, "Ajaatar eong papa juwai ngina, ajaatar eong toto araibo yeniminat kangina. Akoto eong alosit aanyun kesi. Akoto eong airiamun kakesi kainapakin." "Ipedori ijo aibwo, bon konyou kobwo, kanginibois kere katukos. Kobwaata, kotema, "Akoto eong acamun."

135 Isirereng ijo Edeke, amucalat. Isirereng yes Edeke kokau angina. Ido kisirereng yes kokuju kangina. isirereng Ejakait yes kane, ipa. Erai ngin abeit. Kuju kotoma obalasa, isirereng Ejakait yes. Kere airimor, ediowai kere, kobwoata kwana kwape kilosia ailip, nepejaar Emoyo Lokalaunan ne ido kolosi kotoma atauonowok, abilibil.

Ijeni ijo, ibore yeni ipuda ekanisa lolo ngesi abilibilio. Ipuda oni adolore togo loka ekajean. Awok aniniku na isisiat oni kodiini acepakio mam iswama ejok. Ibore ipuda oni ngesi abilibilio namojong, aitoronokin kotoma otaonowok, adumun acamunio kama ejai Edeke. Ngun bon lu ekapakina aibwo?

Etuluroto kwana awok akwesi kanuka ailip.

136 Wu Ejakait, Loabu koyau bobo Ejakait Yesu kokatuak, kanu aitojokaar oni kere kanuka aiyyun, aiyyunit. Elipi eong ebe, Ejakait, ebe ngun luebwoete kwana acamun Ijo kwape Eketajaran kec ka Ekabaka ka Lominat, ido acepak, ejasi kesi ka toto arai papa arai icetunganan juwai naka angolol. Ejai

idiopebore, ejaatar Eketajaran. Elipi kitimoi akecediakanareta, kede epali kec kere komuatarai, tetere ikecetauon ilongaro kotoma Aokot nuka Imerekuk, ido kojarata kotoma ainapakin agear kwana.

Ido acepaaran naka aibuses nengatakinotor kere, elipi katukokinis isio TogoKon, ajaun ngina kwape ikalia lumam etiakatiaka, airiamun ka luminanawok luidaritos kojuwai. Nu, inakini kesi akaniniKon tetere "Ijo idari ngon kotoma ainapakin naitekooro loesalit eta mamaKon." Kocamak ngun, Ejakait, kwape kiinakina kesi mamaKon. Kokiror loka OkokuKon, Ejakait Yesu. Amen.

137 Isirereng Edeke yes. Acamunit eong ebe esesenete ikeswamak neibwoia ijo, ido epote kesi ajaun kede yes kotoma odakikan idis.

Ido kwana nejaasi ngul luelosete adumun akadin nuka ailip. Billy, aibo ejai Gene ka Leo, ejaasi kau? Ejaaesi kesi ne kanu aikor akaadin nuka ailip kodakikan idis. Etwari Onac esipan keda ailip, ido ekorario akaadin nuka ailip. Ibuni abongun ne kotoma apak naedit, kanu ailipanakin lukadekak. Ejok, onac.



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7